


WACANTAACUE DIOS IRI

Cantémosle a Dios
en piapoco



WACANTAACUE DIOS IRI

**Cantémosle a Dios
en piapoco**

Texto de los himnos en piapoco por Deloris A. Klumpp.

Los dibujos que aparecen en las páginas 83 y 111 fueron hechos por la autora.

Los demás se usan con permiso de la Fundación David C. Cook.

© 2015, Wycliffe Bible Translators

6a edición, 1988

5a impresión, 2007

6ª impresión, 2015

515 ejemplares

ISBN 958-21-0008-7

Imprenta en: Editorial La Buena Semilla, Bogotá, Colombia

para conseguir copias electrónicas: <http://www.scriptureearth.org>

1

/// Dios cayábéeri ///
Imànica walí cayábéeri

/// Cà míiri ichìwa ///
Imànica walí cayábéeri

/// Wacántàacué irí ///
Imànica walí cayábéeri

/// Yéemièri wasutáaná ///
Imànica walí cayábéeri

/// Ichùnièri wía ///
Iiwitáise cachàiníiri iyúwa

/// Cáinináca iicáca wía ///
Yái Wáiwacalica, Cristoca

/// Waléeca itàacái ///
Dios itàacái weebáidéeri

1 San Juan 4.8, p.777
1 San Juan 3.22, p.776
San Juan 15.12, p.344

1 San Juan 1.5, p.771
San Juan 5.21, p.303

2

Casíimáinaméeyéica níái
Yeebáidéeyéica Dios itàacái
Casíimáinaméeyéica níái
Yèeyéica Dios icàaluíniná

O Aleluya
Dios cayábéeri
O Aleluya
Iwàwéeri wía
Dios cayábéeri
O Aleluya
Dios cayábéeri
Isíimáidéeri wía

Casíimáica Dios yéemìaca wasutáaná
Wamànicaalí càide iyúwa íimáaná
Casíimáica Dios yéemìaca wasutáaná
Canácatáita Wáiwacali imàaca wía

Casíimáinaméeyéica níái
Yèeyéipinácawa Dios ìyacàlerìculé
Casíimáinaméeyéica níái
Iiquéeyéipináca Dios inàni

Gálatas 5.22-23, p.604
1 San Juan 3.22, p.776

San Mateo 6.33, p.19
San Mateo 28.20, p.110

3

// Dios ìyacàle cayábéeri
Iipidená Jerusalén //
// Núasí iwàwéeri iwàlùacawa
Jerusalén irìculé //

// Dios ìyacàle chènuniréeri
Yái wàlisài Jerusalén //
// Jesucristo Wéenàsàiri cayábéeri
Imàacapinácué wawàlùacawa //

// Yái Jerusalén, Dios yàasu cáli
Mèlumèluíri èeri íícha //
// Dios itunúapinácué wáicha watuíyáa
Wàacaalíwa chènuniré //

// Canáca néré yéetácáisi
Càmita quirínama achúma wawàwa //
// Néréca wàypinácué càiripinátawa
Wáaniri Dios yáapichawa //

4

/// Yáapicha /// wèepunícawa

/// Yáapicha /// wèepunícawa

Yáapicha wèepunícawa

Eeri imanùbaca

/// Yáapicha /// wèepunícawa

/// Cáinináca /// iicáca wía

/// Cáinináca /// iicáca wía

Cáinináca iicáca wía

Yái Wáiwacalica Cristoca

/// Cáinináca /// iicáca wía

/// Icùaca wía /// chái èeri irìcu

/// Icùaca wía /// chái èeri irìcu

Icùaca wía chái èeri irìcu

Cachàiníiri íiwitáise iyúwa

/// Icùaca wía /// chái èeri irìcu

/// Imànicáwa /// wacapèe

/// Imànicáwa /// wacapèe

Imànicáwa wacapèe

Wàacaténáwa chènuniré

/// Imànicáwa /// wacapèe

San Mateo 28.20, p.110
San Juan 14.2-3, p.340

San Juan 15.12, p.344

5

// Achúmacaali wawàwa
Watàaníca Dios yáapicha
Wáaniricáiná yéemièri wasutáaná //

Cristo Jesús
Cayábéeri Wáiwacali
Isutéeri Dios wàwali

// Péemìacué nuénánái
Waléecué Dios itàacái
Wáaniri Dios càmiiri ichìwa //

// Yái Espíritu Santoca
Yàacawéeridéeri wía
Yéewáidéeri wía
Wamànicáicha wabáyawanáwa //

6

Jesucristo Wéenásàiri
Icáucàidéeri wawàwa
Dios Iiri cayábéeri
Yèeritéwa chènuniise
Yáacaténá wacáuca
Wáaniri Dios yáapicha

// Yeedéeri wáicha uláicái
Isutéeri Dios walípiná
Yèepuníiriwa wáapicha
Cáinináca waicácani //

Canácata yáaliméeri
Yeedáca wía Cristo íicha
Cachàiníiri íiwitáise
Dios càmiiri imáalàawa
Aibaalí wéetácaaliwa
Itépiná wía chènuniré

San Juan 5.21, p.303
Filipenses 1.20-23, p.626

Romanos 8.38-39, p.484

7

// Jesús yéepunícaalítéwa
Chái èeri irìcu
Ichùnìaté cáuláiquéeyéi
Dios ichàini iyú //

// Macàwéeyéi nèepunicawa
Matuíyéi naicáidaca
Macáita càì náimaca
Jesús ichùnìaca nía //

// Wacántàacué irí
Cachàiníiri iyú
Abéerita Wáaniri Jehová
Yèeri wachàini //

// Yéewáidéeri wacántàaca
Wàlisài canción
Wacàlidacaténá
Ináwaná ìwali //

// Aibanái wenàiwica
Yéemìapíná wacántàaná
Yásí neebáida càide
Iyúwa ichùulianá //

// Waléecué Dios itàacái
Eeri imanùbaca
Wamànicaténá càide
Iyúwa Dios iwàwáaná //

8

Manuíca wáináidacawa wawàwawa
Wèepunícáináwa Dios yáapicha

// Weebáida itàacái
Macái wawàwalìcuísewa
Icuèrica wía
Báawéeri íicha //

Wáaniri Dios cà míiri iimáicha
Wasutáaná íicha wàwaliwa

// Ichàiniadéeri wía
Wanàacataténá yái
Báawéerica
Wamàníirica //

Wáiwacali Cristo Jesús íiwitáise
Cachàiníiri Satanás ichàini íicha

// Cáalu demonio
Icáca Jesucristo
Wáiwacali Jesús
Yàacawéeridéeri wía //

1 San Juan 4.18, p.778
San Mateo 8.28-34, p.25

1 San Juan 3.22, p.776

9

// Espíritu Santo
Jesús ibànuèri walí //

// Iyúudèeri wía
Iyúudèeri wía
Iyúudèeri wía
Wéemìaca Dios itàacái //

// Yàacawéeridéeri wía
Yèepuníiri nacáíwa wáapicha //

// Yéewáidéeri wía
Yéewáidéeri wía
Yéewáidéeri wía
Jesucristo ìwali //

// Cà míiri imàaca wía
Icuèri wía Wáiwacali irípiná //

// Ichàiniadéeri wía
Ichàiniadéeri wía
Ichàiniadéeri wía
Weebáidacaténá Dios itàacái //

10

// Wáiwacali Cristo
Wéenásàiri cayábéeri
Icuèri wía
Báawéeri íicha //

// Yáaliéri wàwali, wía
Yeebáidéeyéica Dios itàacái //

// Wáiwacali Cristo
Wéenásàiri cayábéeri
Iiquéeri wía
Catúulécanéeri iyú //

// Yáaliéri wàwali, wía
Iwàwéeyéica Wáaniri Dios //

2 Timoteo 2.19, p.680
San Juan 15.15, p.344

1 Corintios 8.3, p.527

Abéerité asìali maléenéri
 Ipidenéri Zaqueo
 Iwàwacaté iicáca Jesús
 Iiríacawa àicu ìwalibàa

Mawiénicaté Jesús yàacawa
 Néese iicáidaca Zaqueo irí
 —Piricùawa —íimaca yái Jesúsca
 Siùcatájá nupáchia pía



San Lucas 19.1-10, p.260

12

// Píibaidacaalícué
Wáiwacali irípiná
Iwàwacutácué
Pèepunícawa yáapicha //

// Canáca yéewanácué
Píibaida Jesucristo irí
Càmicaalícué pìya
Machacàníiri iyú Dios ipíchalé //

// Wáiwacali Cristo
Itunuéricué wáicha
Iiraná iyúwa
Yái báawéérica wamàníirica //

// Píacué picàlidaca nalí
Jesucristo itàacái
Péewáidacué nèepunícawa
Wáiwacali yáapicha //

1 San Juan 1.6, p.771
San Juan 12.26, p.334
San Mateo 28.20, p.110

Efesios 4.22-24, p.616
Apocalipsis 5.9, p.799

13

// Nuénásàiri
Piwènúada píiwitáisewa
Wáaniri Dios
Jehová irípiná //

// Wáiwacali Cristo
Imàacaca yáawawa
Piméeràacáichawa
Déeculé Wáaniri íicha //

// Picá piimáicha
Wáaniri Jehová
Peebáida itàacái
Peebá ichùulianá //

// Pimàaca Jesucristo
Yàapìdáidaca píiwitáise
Iiraná iyúwa
Yái iwàwéerica pía //

Napáyaida Judas
 Yèepùadacaténá nalí Jesús
 Báawacáiná néemiaca
 Dios Iiri itàacái
 Napáyaida Judas
 Yèepùadacaténá nalí Jesús
 Calvario néré Cristo
 Imàacaca icáucawa
 Wacáuca ìwalíná
 Wía báawanaméeyéica
 Dios yùuwichàidaca Iiriwa
 Wabáyawaná ìwalíise
 Nuénàsàiri, Wáiwacali
 Yéetácawa píichawalíná



15

// Casíimáica wawàwa
Jesucristo yáapicha
Wáiwacali Jesucristo yáapicha //

Aleluya, Aleluya
Aleluya, wacántàacué irí
Alelú, Alelú, Alelú, Alelú
Aleluya, wacántàacué irí

// Wacántàacué irí
Casíimáiri iyú
Casíimáiri iyú wacántàa irí //

// Wamàaca wawàwawa
Jesucristo ìwali
Wáiwacali Jesucristo ìwali //

16

// Nuénàsàiri, piwàwacaalí Dios
Pimàaca píawawa Jesucristo irí //

// Yàacatéwa chènuniré
Quéwa yàanàapiná àniwa
Yàacaténá yeedáca wía
Iyúwaté íimáaná //

// Ichùnìaca wía wabáyawaná íichawa
Yàacáináwa aléi ichùnìacaténá wía //

// Dios iwàwaca wía
Dios iwàwaca wía
Bibliacáiná íima
San Juan 3.16 //

// Mamáalàacata Jesucristo imáidaca wía
Càmicaalí peebáidani, yá piúcacawa íichawa //

// Nuénánái, piwàwalicué Dios
Macáicaténáta Wáaniri Dios yeedáca wía //

17

/// Wàaca pirí cayábéeri ///
Jesucristo

/// Wàaca pirí cayábéeri ///
Jesucristo

// Wáiwacalica pía Cristo càiripináta
Péetácáinátéwa piwasàacaténá wía //

/// Piúca wáicha wabáyawaná ///
Jesucristo

/// Piúca wáicha wabáyawaná ///
Jesucristo

/// Wamàaca wíawawa pirí ///
Wáiwacali Cristo

/// Wamàaca wíawawa pirí ///
Wáiwacali Cristo

18

// Jesús ííraná ííbéeri nuwàwa
Yàapìdáida nacái nuíwítáise //

// ¿Càmita péemìa, nuénásàiri?
Cáinináca Jesús iicáca pía //

// Dios yùuwichàidaca Iiriwa Jesucristowa
Wabáyawaná ìwalíise quéwa //

// Siùcata péemìa, nuénásàiri
Cristo Jesús imáidaca pía //

// Numàacaca nuwàwawa Cristo ìwali
Yéetácáinátéwa iwasàacaténá núa //

// Nuénásàiri, pimàacaca piwàwawa
Cristo Jesús ìwali //

Efesios 1.7, p.607
Apocalipsis 5.9, p.799

Romanos 5.8-9, p.472

19

// Bàaluité Satanás yéenibeca wía
Waméeràaté nacáíwa Cristo íicha //

// Iyúwa yéetáními wenàiwicaca
Càmítaté wéemìa Dios imáidáaná wía //

// Quéwa cáininácaté Dios iicáca wía
Iicácaté nacái wapùalé mamáalàacata //

// Jesús ichàini iyú Dios icáucàidaca wía
Imàacaca iwàwawa wabáyawaná íicha //

// Néese wéetácaaliwa chái èeri irìcu
Ipíchawáise Cristo yàacawa néese àniwa //

// Yásí trompeta isàna iyú Dios imáida wíawa
Imichàida wíawa yéetácáisi íicha //

20

Mesúnamáita Jesucristo
Yàacawa néese àniwa
Imichàidacaténá wía
Inatáise cáliquéi
Wáaniri Dios yàasu trompeta
Casànaca wéemàwa
Yá ángelnái íiwacali
Imáidapíná wíawa

// Acalèe yèewíise
Iricùawa chènuníise
Itècaténá wía
Wáaniri Dios ìyacàlerìculé //

Néese wéenánáimi yéetéeyéicawa
Yeebáidéeyéicaté Jesús
Níaca Wáaniri Dios
Idàbapíná imichàidacawa
Yéetácáisi íicha imichàida níawa
Ichùnà nacái naináwa
Iwàlisàida níawa cayábéeri iyúwa
Càmita quirínama néetáwa

Mesúnamáita Jesucristo
Yàacawa néese àniwa
Imichàidacaténá wía
Inatáise cáliquéi
Wamichàapínácawa chènuniré
Wáipunitáidawa Jesús
Waicáwa Cristo inàni
Yái iwàwéerica wía

21

Pía Cristo Wáiwacali
Piicá wía catúulécanéeri iyú
Peedá wáicha yái uláicáica

// Píacata wasutéeri íicha //

Pía Cristo Wáiwacali
Abéerita pía yèeri wachàini
Pía cayábéeri ichùnièrica wía

// Píacata wasutéeri íicha //

Pía Cristo Wáiwacali
Piúca wáicha wabáyawaná
Piyúudàa wía wamàacacaténá wáichawa

// Yái báawéerica //

Pichùulìa wáicha demonionái
Abéerita pía yèeri wacáuca
Pía cayábéeri ichùnièrica wía

// Píacata wasutéeri íicha //

// Wáaniri Dios ibànùacaté Jesús
Yùuwichàacaténátéwa abéeri cruz ìwali //

// Wabáyawaná ìwalíise yéetácatéwa
Wàyacaténá chènuniré Dios yáapicha //

// Cáalucaalí pía camàliquéeyéi íicha
Pisutá Jesucristo icùanápíná pía //

// Cachàiníiri Wáiwacali Cristo Jesús
Icuèrica wía chái èeri irìcu //

// ¿Cáná piwàwa piméeràacawa íicha?
Peebáida itàacái, peebá ichùulianá //

// Picá piwènúawa Dios Iiri íicha
Nuénàsàiri peebáida Jesús ìwali //

1 San Juan 2.2, p.772
San Mateo 28.18, p.110

Los Hechos 13.9-12, p.405
Los Hechos 16.31, p.419

23

// Waléecué Salmo 23
Dios itàacái íimaca walí
Wáaniri Dios Jehová
Yèepunícawa wáapicha //

// Wáaniri imàaca
Matuíbanáica wía
Yèerica wayáapíná
Yèeri nacái wabàlepiná //

// Weebáidacaalí Dios itàacái
Chái èeri irìcu
Càmíiyéi cáalu wía
Wáapichéeriquéi Wáaniri //

// Weebáidaca Jehová
Wáaniri Dios cayábéeri
Càiripináta Wáaniri
Cáinináca iicáca wía //

// Ibànùacaalí wàacawa
Wàuwidenái yèewiréwa
Wacàlidapíná nalíwa
Ináwaná ìwali //

// Néese éwita
Wéetácaalípináwa
Càmíiyéi cáalu wía
Wáaniri Dios itéeri wíawa //

Salmo 23

24

Bàaluité domingomi, amalácaalí yàacawa nawicáu
Nàacawa càliculii néré, máiní achúmacaté nawàwa

Mapisáisiwata nàacawa, naté pumèniyèi isàni
Nàa naicácaténaté Wáiwacali Jesús iinámi

Néese nàanàacaté néré, naicá íba ibàluèriwa
Méetàucuta càliculii íicha nabàlianácaté inùma

Eeréta nawàlùacawa, canáta naiquéeri néré Jesús
Naicáca pucháiba ángelnái, mèlumèluíyèi ibàle

Angelnái íima nalí: —¿Cawinácué piicáida cháí
Yéetáními yèewiré? Bàwina Cristo yàacawa

Idéca imichàacawa yéetáními yèewíise
Cachàiníiri Wáiwacali Jesús,
càmíiri quiríiri quirínama yéetáwa

Nèepùawa càliculii íicha, nawàwa yáaláanicawa
// Wacúa nacái Wáiwacali Jesús
Yàanàaca imichàidacaténá wíawa //

25

/// Wáaniri Dios
Pimàni walí cayábéeri ///
Cáinináca waicáca pía

/// Wáiwacali Jesús
Piúca wáicha wabáyawaná ///
Cáinináca waicáca pía

/// Espíritu Santo
Pìacawéerida wía ///
Cáinináca waicáca pía

26

Cristo yéewáidacalénái nàyacaté yáapicha
Ipíchawáiseté Wáiwacali yéetácawa

// Iwacùaca nali uva ituní, pan nacái
Idàbáanéericaté Santa Cenaca //

Idécaalíté isutáca Wáaniri Dios íicha
Yeedáca pan, isubèriadacani

// —Yácata nuiná yái —cài íimaca Jesucristo
Yùuwichèeripinácuéwa piri //

Yái uva ituníca, yácata nuíraná
Imusuéripináwa núicha pirícuéwa

// Ipíchanácué Dios yùuwichàidacuéca pía
Pibáyawaná ìwalísewa //

Siùcade wàiracué Santa Cena
Wawàwalicaténácué Wáiwacali Jesús

// Picácué calúa wía wáapichawáaca, wéenánái
Càmíiyéicáiná mabáyawanáca wíanama //

Wéenánái, peedácué, pìiracuéni
Piwacùacué pìwaliwáacawani

// Càmicáiná Cristo ìira quirínamájani
Ata wàanàacataléta paraíso irìculé //

// Wasutácué Wáaniri Dios
Wía yeebáidéeyéica Dios itàacái //

// Wamichàidacué wacáapiwa
Wacántàa Dios irí
Canáca áiba Wáaniri //

// Cáinináca Wáaniri iicáca wía
Wía yeebáidéeyéica Dios itàacái //

// Jesucristo icáucàidéeri wía
Wía yeebáidéeyéica Dios itàacái //

// Ibànùaca walí Espíritu
Wía yeebáidéeyéica Dios itàacái //

// Canácatáita Dios imàaca wía
Wía yeebáidéeyéica Dios itàacái //

// Mesúnamáita itéca wía chènuniré
Wía yeebáidéeyéica Dios itàacái //

// Yèeri wacáuca cà míiri imáalàawa
Wía yeebáidéeyéica Dios itàacái //

28

// Quichái yúuwàapináwa
Chènuníise, nuénánái
Yeemácaténá canánama
Wáaniri Dios yúuwidenái //

// Núa, càmiiri yeemáwa
Nùapináwa chènuniré
Jesucristo yáapicha
Paraíso irìculé //

// Namáalàapinácawa
Dùlupùta canánama
Dios ipucúadapiná quichái
Yeemácaténá capìraléeri cáliwa //

// Macái waiquéerica
Yeemápináwa quichái iyú
Pimàaca Cristo icùaca pía
Wáaniri Dios icáapirìcuwa //

29

// Pèepuníwa wáapicha
Pía Wáiwacali Jesús //

// Pìacawéerida wía
Jesucristo Wáiwacali //

// Wáiwacali Cristo Jesús
Pìacawéerida wía //

// Abéerita pía, Jesús
Icáucàidéeri wía //

// Pìawa chènuníise caquialéta
Wáiwacali Jesús //

30

Wáiwacali Cristo
Itéca yàasu cruzwa
Jesús mabáyawanéeri
Imàacaca icáucawa

Pisutácaalí péemíawa wía
—¿Cána Cristo yéetáwa?

// Wabáyawaná ìwalíiseta
Yái Wáiwacali yéetácawa //

Nacháawàacani, yái Jesús
Nacàlida nachìwawa
Wáaniri Dios imàacaca
Nanúaca Iiri

Cristo yéetácatéwa wáichawalíná
Yùuwichàacatéwa cruz ìwali
Iwasàacaténácué wía
Yùuwichàacáisi íicha

31

// Nuípidená natànàaca
Cuyàluta irìcu
Cordero yàasu cuyàluta
Iyéérica chènunirée //

// Peebáida Cristo itàacái
Icáucàida píawa
Piwènúacaaliwa íicha
Yásí yùuwichàidaca píawa //

// Waicáwa Jesucristo
Inàni néréwa
Wáaniri Dios icamaláná
Icànaca wàwaliwa //

// Dios itàacái íimaca cawinácaalí
Càmíiyéi yeebáida Jesús
Canácatáita nawàlùawa
Paraíso irìculé //

// Aibanái yúuquéeyéipinácawa
Quichái irìculé
Ipidenácatalé Pucháiba
Yàawiriéri Yéetácáisi //

// Manùbáwanái yàapinácawa
Quichái irìculé
Máisibáwanái yàapinácawa
Paraíso irìculé //

Wáaniri Dios idàbacaté
 Angelnáí canánama
 Abénaméeyéi namànica ùuwi
 Cadàbacáiri íipunita

// Abéerita Cristo
 Ichùulièri wáicha
 Báawanaméeyéi
 Demonionái //

Níái báawéeyéi ángelnái
 Íipidenéeyéi demonionái
 Namànica ùuwi wáipunita, wía
 Yeebáidéeyéica Dios itàacái

Aibaalípiná nacalùadaca wía
 Nèepunícáináwa iyúwa wàwasimi
 Wáiwacali Jesús yái icuèrica wía
 Cà míiri imàaca nanúaca wíawa

Cáalucaalí pía demonio íicha
 Pisutáca píawawa Wáiwacali Jesús
 Cáalu demonio naicáca Cristo
 Cachàiniiri náicha canánama

Efesios 6.10-18, p.621
 2 San Pedro 2.4, p.766
 Colosenses 2.15, p.641

San Judas 1.6, p.785
 1 Timoteo 4.1, p.668
 San Mateo 17.14-20, p.61

33

// Cachàinícué píiwitáise
Jesucristo ìwali //
// Wàuwidesàiri Satanás
Yáalimáidacuéca wía
Iyúwa cháwi caluéri
Wamànicaténá wabáyawanáwa //

// Wamàacacaalí Dios itàacái
Yá canáca wachàini //
// Pimàacacué píichawa chìwái
Pitàanícué báisiiri iyú
Mabáyawanácué pìyaca
Wáaniri Dios iicáca wía //

// Càmicáiná wamàni ùuwi
Eeri mìnánái íipunita //
// Néese náipunita níara
Canéeyéica iiná
Demonio íiwacanánái
Cáuli irìcuíyéica //

// Néese, manuícué piwàwa
Wáaniri Dios ìwali //
// Ata alénácaalícué pìyaca
Picàlidacué Dios itàacái
Picácué cáalu píawa
Espíritu yéewáidaca wía //

Natécaté Cristo dúli íinatalé
Ipidenácatalé La Calavera

// Néese natàtàacaté
Cristo cruz ìwali
Yái mabáyawanéeri
Wáiwacali Cristoca //

Idècunitàacá natàtàaca Wáiwacali
Cristo isutáca Yáaniri Dios íichawa

// —Núaniri, pimàaca piwàwawa
Nabáyawaná íicha
Càmicáiná náalíawa
Cawinácaalí núa yái nanuérica //

Natàtàa yáapicha pucháiba cayéedéeyéi
Yùuwichèeyéiwa ibáyawaná ichùuliacawa


// Quéwa Jesucristo
Imàacaca icáucawa
Iwasàacaténá wía
Yùuwichàacáisi íicha //

Manùbéeyéi iicáanica Jesús iquíniná
Náimaca irí: —¿Cáná càmita piricùawa?

// Báisícaalí
Dios Iirica pía
Néese, ¿cáná càmita
Picáucàida píawa? //

Cristo yéetácatéwa wáichawalíná
Yeebáidaca Yáaniri Dios itàacáiwa

// Quéwa másibáanaté
Eeri irícu
Cristo imichàacawa
Yéetácáisi íicha //



San Lucas 23.32-43, p.281

San Lucas 24.1-12, p.283

35

// Aibaalípiná yàacuèripinácawa
Chènuniise
Wáiwacali Cristo Jesús
Yàacawa néese àniwájá //

// Wàyacaalí cháí èeriquéi
Imáalàacaalíwa canánama
Waiquéeripiná Jesús iricùawa
Yá méetánánamata wàacawa //

// Càmiíyèi wáalíawa chácaalínápinácaalí
Cristo yàanàa
Abéerita Dios yáaliériwa
Càicaalínápinácaalí yàanàa //

// Ata alénácaalícué wàyaca
Wacántàa Cristo irí
Wacàlidacué Dios itàacái
Macàaluínináta áibanái íicha //

San Lucas 21.25-28, p.271
1 Tesalonicenses 4.13-18, p.652
1 Tesalonicenses 5.1-3, p.653
1 Corintios 15.51-53, p.553
Los Hechos 8.4, p.389

San Mateo 24.29-31, p.90
San Mateo 24.36, p.91
San Lucas 12.35-40, p.236
Los Hechos 4.31, p.377

36

Wáiwacali Cristo yáaliéri wawàwa
Iiquéeri nacái wáiwitáise canánama
Canácata yáaliméeri ibàacawa Cristo íicha

// Piwènúada píiwitáisewa Jesucristo irí //

Cáuláicaca wáiwitáise wabáyawaná iyúwa
Wáiwacali Cristo idèpiaca wáichani
Jesucristo yéetácatéwa wáichawalíná

// Yúucacaténá wáicha wabáyawaná //

Abéerita Cristo ichùnièrica wainá
Espíritu Santo íiwitáise iyú
Wasutácué wíawawa wàasu Doctor íichawa

// Iipidenéerica Cristo, yái ichùnièrica wía //

Aibaalípiná Jesús iwàlisàida wainá
Yèeripiná wacáuca càmiiri imáalàawa
Itécaténá wía néré Dios ìyacàlerìculé

// Canácataléca uláicái Wáaniri yáapichawa //

San Juan 1.43-51, p.291
Efesios 1.7, p.607
1 Corintios 15.51-53, p.553
Apocalipsis 21.3-4, p.827

San Lucas 5.1-11, p.195
Santiago 5.13-16, p.747
1 Tesalonicenses 4.13-18, p.652
Filipenses 3.20-21, p.632

Casiimáica wàacawa Jesucristo yáapicha
 Iná wacántàaca casiimáiri iyú Jesús irí
 Jesús imàacaca Dios yéenibeca wía
 Iná wacántàaca casiimáiri iyú Jesús irí
 Wáiwacali Cristo Jesús yàacawéeridéerica wía
 Iná wacántàaca casiimáiri iyú Jesús irí
 Càasuíyéipináca wía wàacaaliwa chènuniré

// Iná wacántàaca casiimáiri iyú Jesús irí //



1 San Pedro 1.6, p.749
 San Juan 1.12, p.288
 San Mateo 6.19-21, p.17
 1 Corintios 9.24-25, p.531
 1 San Pedro 1.4, p.749

Filipenses 4.4, p.633
 San Mateo 28.18-20, p.110
 Filipenses 3.13-14, p.631
 Hebreos 6.11-12, p.707

/// Jehová, pía Wáaniri Dios
Pimàaca piwàwawa wabáyawaná íicha ///

// Píata wáapicha càiripináta
Pimàaca piwàwawa wabáyawaná íicha //

/// Jesucristo, Dios Iiri
Wáichawalínaté péetácawa ///

// Píata wáapicha càiripináta
Wáichawalínaté péetácawa //

/// Pía, Espíritu Santo
Péewáida wía Wáiwacali Cristo ìwali ///

// Píata wáapicha càiripináta
Péewáida wía Wáiwacali Cristo ìwali //

San Lucas 11.4, p.227
1 Tesalonicenses 4.10, p.652

Hebreos 9.27-28, p.719
San Juan 16.14-15, p.346

39

// Abéerita Dios isíimáidéeri wía //
Macái waiquéérica yeemápinácawa
// Abéerita Dios isíimáidéeri wía //

// Picácué cáininá piicáca cháí èeriquéi //
Macái waiquéérica yeemápinácawa
// Picácué cáininá piicáca cháí èeriquéi //

// Mabáyawanácué wàyaca, nuénánái //
Macái waiquéérica yeemápinácawa
// Mabáyawanácué wàyaca, nuénánái //

// Iyaca walí wacapèe chènuniré //
Macái waiquéérica yeemápinácawa
// Iyaca walí wacapèe chènuniré //

Los Hechos 14.15-17, p.411
2 San Pedro 3.7-13, p.769
2 San Pedro 3.11, p.770

Los Hechos 17.22-31, p.422
1 San Juan 2.15-17, p.773
San Juan 14.1-3, p.340

40

// Iyúwa énu icànáaná
Mèlumèluíri iyú chènuníise
Càita nacái Cristo Jesús
Yàanàapináwa mesúnamáita //

// Wía yeebáidéeyéica
Cristo itàacái
Wacùaca Wáiwacali
Yàacawa néese àniwa //

// Wía icuèyéica
Cristo yàanàanápínáwa
Iwàwacutá masacàaca
Wamànica wawàwawa //

// Yásí wàypíná
Càiwade iyúwa ìyáaná
Asáiripinácáiná
Waiquéeripináca Jesús //

41

// Pía, Wáaniri Dios
Pichàiniada wawàwa
Wamawèniadacaténá wáichawa
Wàuwidesàiri Satanás //

// Wamichàidaca wacáapiwa
Pía, Wáaniri Dios
Pimàaca piwàwawa
Wabáyawaná íicha //

// Pichàiniada wía
Pichàiniada wía
Pichàiniada wía
Jesucristo ichàini iyú //

// Masacàaca pimànica
Wáiwitáise canánama
Càide iyúwa Cristo iyáaná
Mabáyawanéeri iyú //

// Pimawèniada wáicha macái
Cristo yùuwidenái
Pimàaca cáiwitáiseca wía
Espíritu Santo ichàini iyú //

Efesios 6.10-11, p.621

1 Corintios 15.57, p.554

1 San Juan 2.18-29, p.774

1 San Juan 1.8-9, p.771

1 Tesalonicenses 4.7, p.652

1 Tesalonicenses 5.23-24, p.655

42

// Mesúnamáita Cristo Jesús
Yàacawa néese àniwa //

// Wàyaca Wáaniri néréwa
Càiripinátawa, Wáiwacali
Jesucristo yáapichawa //

// Wáiwacali Cristo
Yéetácatéwa wáichawalíná

// Iwasàaca wía Dios yàasu
Yùuwichàacáisi íicha //

// Dios imàacaca iwàwawa
Wabáyawaná íicha //

// Yàacùapinácué walí
Dios ìyacàle chènuniré //

// Dios ìyacàle icànaca
Mèlumèluíri iyú //

1 Tesalonicenses 5.1-3, p.653
Apocalipsis 21.1-11, p.827
Colosenses 1.13-14, 21-22, p.637

San Juan 14.1-3, p.340
1 San Pedro 3.18, p.757
2 San Pedro 1.11, p.764

43

// Idécanáamité Jesús
Yàalàaca yéewáidacalénáíwa
Imichàacatéwa náicha
Chènuniré Dios ìyacàlerìculé //

// Néese ibànùacaté nali
Espíritu Santo
Icùacaténá náíwítáise
Dios ichàini iyú //

// Espiritu yéewáidaca wía
Yeebáidéeyéica Cristo itàacái
Wàyacaténá càide iyúwa
Wáiwacali iwàwáaná //

// Jesús ibànùaca wali
Espíritu Santo
Icùacaténá wáiwítáise
Dios ichàini iyú //

// Piwènúada píiwítáisewa
Pibáyawaná íichawa
Siùcáisede peebáida
Wáiwacali itàacái //

// Yásí ibànùapíná pírí
Espíritu Santo
Icùacaténá píiwítáise
Dios ichàini iyú //

San Mateo 28.16-20, p.110
San Lucas 24.50-53, p.286
San Juan 16.4-16, p.345
1 San Juan 4.13, p.778
Los Hechos 2.37-40, p. 371

San Marcos 16.14-20, p.175
Los Hechos 1.6-11, p.365
1 San Juan 2.20-27, p.774
1 Corintios 12.1-11, p.539

// Cayábéeri Dios itàacái
 Imàacacáiná cáaliacáica wía
 Espíritu Santo yàalàaca wía
 Wamànicáicha wabáyawanáwa //

// Wacuèriná Dios itàacái
 Yácata abéerita wacáapisài
 Wamànica iyú ùuwicái
 Wàuwidesàiri ípunitawa //

// Waléecué Dios itàacái
 Culto irìcu imanùbaca
 Wawàwalicué níai versículoca
 Machacànita wawàwalicúisewa //

// Bàaluité Wáiwacali Cristo
 Imawèniadaca íichawa Satanás
 Cristo yàalàacani versículo iyú
 Yáaniri itàacái irìcuisewa //

// Wàuwidesàiri Satanás
 Yáalimáidapináca wíawa
 Abéerita Dios itàacái iyú
 Wamawèniadaca wáichawani //

San Mateo 24.35, p.91
 San Juan 17.17, p.350
 San Juan 8.47, p.320
 Efesios 6.17, p.622
 San Marcos 4.20, p.123
 San Mateo 4.1-11, p.7
 1 San Pedro 5.8-9, p.761

San Lucas 11.27-28, p.229
 2 Timoteo 2.9, p.679
 Romanos 10.17, p.489
 Hebreos 4.12, p.375
 Apocalipsis 1.3, p.789
 San Lucas 4.1-13, p.191

Bàaluité Wáaniri Dios idàbacaté wenàiwica
 Idàbáanéerité asiali ípidenéeérica Adán
 Dios idàbacaté Adán yàacawéetúapíná
 // Idàbáanéechúaca inanáica
 Iipidenéeechúacaté Eva //

Adán, Adán, Wacuèriná imáidaca pía
 Adán, Adán, picá pibàawa Dios íicha
 Càide iyúwaté Dios imáidáaná Adán
 // Càita nacái imáidaca wía
 Wabáyawaná íichawa //

Néese, Dios ibànacaté cayábéeri bànacalé
 Yàaca wenàiwicanái iríni ípidenácatalé Edén
 Néese Dios yàalàaca nía abéeri àicu íicha
 // Ipíchanácué péetácawa
 Picácué piyáa yái ìyacanáca //

Aiba èerité inanái uèpunícawa
 Abéechúata ùacawéeri íichawa
 Uebáca Satanás itàacái, uyáaca àicu ìyacaná
 // Uwènúadaca uíwitáisewa
 Dios Jehová íicha //

Eva yàaca Adán iyáani, yái àicu ìyacanáca
 Nabàacawa Jehová íicha cáalucáiná naicácani
 Dios yùuwichàidaca nía, quéwa íima nalí àniwa:
 // Nubànùacué pirí iwasèericuéca pía
 Yùuwichàacáisi íicha //

Wàawirináimi wapíchawáiséeyéi
 Namànicaté mamáalàacata
 Nabáyawanáwa
 Nàaca cuwáinái icàaluíniná
 Dios Jehová íicha
 Cáanái nalúa, napéliaca
 Néetáidacaté néenánáiwa

Yéesacái iyú Dios imáalàidaté níái
 Wàawirináimi cà míiyéi yeebáida
 Dios itàacái
 Quichái iyú Dios yùuwichàidapiná níái
 Eeri mìnanáica, mesúnamáita
 Cà míiyéi yeebáida Jesús itàacái

Noé, cayábéerité íiwitáise
 Yeebáida cayába Dios itàacái
 Náapicha yéenánáiwa
 Néeseté Dios ichùuliaca Noénái
 Namànica arca
 Lancha nacáiri, cáucaténá nía
 Yùuwichàacáisi íicha

Dios iicácaté Noénái ipùalé
 Icua nacái cuwèesinái
 Arca irìcuíyéica
 Weebáidacaalí siùca èeri
 Jesús itàacái
 Iwasàapiná wíawa Dios yàasu
 Manuíri yùuwichàacáisi íicha

47

Dios Jehová imáidaca Abraham
Imàacaca irí abéeri cáli Canaán
Imànica irí cayábéeri
Israelitanái yàawirimi

// Abraham itaquérinámi
Yácata Wáiwacali Cristo
Imànica walí cayábéeri
Wía èeri mìnanáica //

Abraham yèepunícawa Dios yáapicha
Yeebáidaca cayába Jehová itàacái
Siùcade wáima Abraham ìwali
Dios yàacawéerinácani

Jehová íimaca Abraham irí
—Numànica nalí cayábéeriwa
Macáita èeri mìnanáica
Pitaquéri ìwalíisená

Abraham ìiriná
 Ipidenéerité Lot
 Iwàwa ìyaca
 Mawiénita Sodoma irí

Pucháibaca nía, yàcalé
 Sodoma, Gomorra
 Neemácatéwa chènuníiséeri
 Quichái manuíri iyú
 Uchacamàacatéwa ìwidùma iyú
 Uái Lot yàacawéetúaca
 Cáininácáiná uicáca
 Cawèníiyéi ùasuwa

Níara yàcalé mìnanáimica
 Namànicaté máiní báawéeri
 Néese Dios iwàwa Lotnáí
 Náacawa Sodoma íicha

Dios imàacacaté quichái
 Yúuwàacawa yàcalé ìwali
 Lot íinu idècunìacawa
 Mawiénita Sodoma irí

49

José ibèenái, calúaca nía
Báawaca naicáca naméeréeriwa
Nawéndaca náichawani, yái José
Aléera Egipto yàasu cálré

Néese nacháawàacaté José
Náuca José cárcel irìculé
Quéwa Dios icùa cayábani
Càmicáiná imàni báawéeri

Namusúada José cárcel irìcuise
Natéca José faraón yàatalé
Icàlidacaténáté faraón irí
Càinácaalí yáamacani íimáaná

Dios iyúudàaca ùuculìiri José
Yeedácaténáté manùba yàacàsi
Icùaca nía máapicái íicha
Egipto yàasu cáli mìnanáica

José imàacaca iwàwawa
Ibèenái ibáyawaná íichawa
Càita nacái Dios iyúudàaca wía
Weebáidacaalí cayába itàacái

// Dios Jehová imáidacaté Moisés
Iwasàacaténa israelitanái
Egipto íicha //

Cachàiníiri iyú, abéeri catá irícu
Israelitanái yàacawa Egipto íicha
Dios ibànùaca yàasu ángelwa
Inúaca nàuwidenái yéenibe
Quéwa iicácáiná cordero íiranámi
Ichàbacawa israelitanái iwicáubàa

// Néese, faraón càmitaté iwàwa
Imàacaca nèepunícawa
Níai israelitanáica //

// Dios Jehová imàacaca báawéeri
Yúuwàacawa ìwali, yái
Egipto yàasu cáli //

// Israelitanái napusúa nacapèe
Inùmawa cordero íiranámi iyú
Yéetácáisi íichaná //

// Israelitanái namànica culto
Pascua nawàwalíinápíná iyúwa
Dios iwasàanáté nía //

51

// Cristo yùuwide íiwitáise
Idéca yàanàaca
Aléi èeri irìculé
Mawiénicáiná Cristo //

Cristo Jesús, Wacuèrinásàiri
Piyúudàaca wía wáibaidáanápíná pirí
Cristo Jesús, Wacuèrinásàiri
Pìacawéerida wía weebáidacaténá pitàacái

// Iwàwacutácué masacàaca
Wamànica wáiwitáisewa
Macái báawéeri íicha
Mawiénicáiná Cristo //

// Wàuwidesàiri Satanás
Imànica wáipunita ùuwicái
Iyúwa Apocalipsis íimáaná
Mawiénicáiná Cristo //

1 San Juan 4.3, p.777
2 San Pedro 3.11, p.770
Apocalipsis 12.10-12, p.810

1 Corintios 15.58, p.554
1 San Juan 3.3, p.775

// Jesús yèepunícaalítéwa chái èeri irìcu
 Icàlidacaté Dios itàacái
 Néese yéewáidacalénái itànàaca itàacái
 Waléecaténá cuyàluta irìcuni //

// Peedá piríwa cuyàluta
 Piléeca versículo
 Peebáida Wáaniri Dios itàacái
 Wacuèrinásàiri Cristo Jesús
 Itàanica walí Dios itàacái irìcuíse //

// Espíritu Santo ibànùacaté apóstolnái
 Nacàlidacaténá Dios itàacái
 San Pedro, San Pablo, Silas, Bernabé
 Piléeca nàwali Hechos irìcu //

// Cristo yùuwidenái cachìwéeyéi
 Nawàwa náalimáidaca naicáwa wía chìwái iyú
 Las cartas de San Juan yéewáida wía
 Ipíchaná áibanái ichìwáidaca wía //

// Waléecué comparación tàacáisi
 Jesús yéewáidéericaté iyú wenàiwica
 Píacué ancianonái peedácué cuyàluta
 Péewáidacaténácué wía culto irìcu //

San Juan 20.30-31, p.361
 Los Hechos 13.1-4, p.405
 San Mateo 13.10, p.45

San Juan 17.6-8, p.349
 1 San Juan 4.5-6, p.777

53

// Cáinináca Wáaniri Dios iicáca wía
Iná yéewa imàacaca yéenibeca wía //

// Siùcade Wacuèriná Cristo Jesús
Ichùulìaca cáinináanápíná
Waicáyacacawa //

// Cristo yùuwichàacatéwa wabáyawaná ìwaliise
Wía macáita èeri mìnanáica //

// Wáiwacali Cristo idéca icàlidaca walí
Yàanápíná wacáuca càmiiri imáalàawa //

// Weebáidacué mamáalàacata Cristo itàacái
Manuícáténácué wáináidacawa wawàwawa //

1 San Juan 4.9, p.778
1 San Juan 2.2, 25, 28, p.772

San Juan 13.31-35, p.339

54

// Siùca wacántàa, wacántàa
Casíimáiri iyú
Wíacué Wáaniri Dios
Yàasu wenàiwicaca //

// Casíimáica wàyaca
Wadécáiná weebáidaca
Wacuèriná Cristo Jesús //

// Watàaníca Dios yáapicha
Casíimáiri iyú
Wíacué Wáaniri Dios
Yàasu wenàiwicaca //

// Wáibaida Wáaniri Dios iríwa
Casíimáiri iyú
Wíacué Wáaniri Dios
Yàasu wenàiwicaca //

// Waléeca macáita versículo
Casíimáiri iyú
Wíacué Wáaniri Dios
Yàasu wenàiwicaca //

Efesios 5.18-20, p.618
Colosenses 4.2, p.645
Apocalipsis 1.3, p.789

Filipenses 4.4-7, p.633
2 Timoteo 2.15, p.666

// Eliseo, chá tàacáwa píái
 Nùacawa chènuniré
 Wacuèriná Dios imáidaca núa
 Ichàiniada nacái píawa //

// Dios Jehová itécaté
 Elías chènuniré
 Eliseo iicácani
 Méetánánamata yàacawa //



Historias del Antiguo Testamento en piapoco, Tomo 3, p.25-27

Bàaluité Abraham idèniaca
 Abéerita ìiriwa Isaac
 Néese Dios isutáca Abraham íichani
 Yàanápíná Dios irí ìiriwa

Wacuèriná Jehová idèniaca Iiriwa
 Dios iicácaté wapùalé manuísíwata
 Yàacaté walí Iiriwa abéerita
 Yéetáanápínátéwa cruz ìwali

Abraham yàacawa manuíri dúli íinatalé
 Inúacaténáté Isaac Dios irí
 Abrahamcáiná yeebáidacaté Dios yáalimá
 Imichàidaca yéetácáisi íichani

Achúmacaté Abraham inúaca ìiriwa
 Càmita imáisanà Isaac Dios íicha
 Quéwa yéemà tàacáisi chènuníiséeri
 ¡Abraham, picá pinúa pìiriwa!

Dios imàacaca Abrahamnáí iicáca
 Abéeri oveja ibàluèriwa néré
 Abrahamnáí inúaca yái pìráica
 Nàacaténá Dios icàaluíniná

Israelitanái yàacatéwa Egipto íicha
 Nàanàaca manuíri úni néré Mar Rojo
 Nayamáidacatéwa càina íinatalé
 Nàuwidenái napianícawa náami

Jehová yàacùaca yèewi yái única
 Nachàbáanápínáwa abéemàalé
 Néese nàacawa chuìri cáli íinatabàa
 Uni ìwaliabàa nàacawa

Faraón yàasu úwinái manùbéeyéica
 Napianícawa israelitanái yáami
 Nèepùadacaténá néese nía náiwacali iríwa
 Náibaidáanápíná àniwa faraón irí

Néese Moisé iducúacaté yàasu àicuwa
 Iwicáubàa yái única Mar Rojo
 Dios imàacaca cáuli cachàiníiri ipùaca
 Uni iwaaliabàa imàacaca náapunápíná

Idécanáamité nàacawa abéemàalé canánama
 Dios imàacaca ibàliacawa yái única
 Iisicùmáidaca macáita níái nàuwidenáimica
 Israelitanái icántàaca Dios Jehová irí

Israelitanái yàacatéwa déeculé
 Néese máiní macàlaca nawàwa
 Dios Jehová imànica nálí cayábéeri
 Uni imusúacawa íba yèewíise

// Wacuèriná Cristo Jesús
 Iyaca walí càide iyúwa
 Cachàiníiri íba ìyáaná //

// Ibànùacáiná walí Espíritu Santo
 Yèerica wacáuca càníiri imáalàawa //

Iyúwa cuniéri úni ìyáaná
 Càita Espíritu ichàiniada wawàwa
 Iyúwa cuniéri úni ìyáaná
 Espíritu Santo ìyaca wawàwalìcu

Historias del Antiguo Testamento en piapoco, Tomo 1, p.91-92
 San Juan 7.37-39, p.314 San Lucas 11.13, p.228
 San Juan 3.5-8, p.294 Romanos 8.26, p.482

Nèepunícatéwa chuìri cáli íinatabàa
 Israelitanái Jehová yàasu wenàiwicaca
 Iwasàacaté nía Egipto yàasu cáli íicha
 Imàacacaténá nàyaca cayábéeri cáli Canaán

Mapisái imanùbaca Dios ibànùu nalı nayáapíná
 Cabalèeri yàacàsi pan nacáiri íipidenéeri maná
 Imàacaca úni imusúacawa nalı abéeri íba yèewíise
 Imàacacaté nalı itàacáíwa cáininéeri iyú

Càmita quéwa neebáida cayába Jehová itàacái
 Nawènúadaca náiwitáisewa Nacuèriná Dios íichawa
 Namànica cuwáinái yéenáiwana nàacaténá icàaluíniná
 Caná iwèni naicáca Dios Jehová icùanáca nía

Cuarenta camuí nèepunícatéwa manacúali yùucubàa
 Càmicáiná nawàwa nawàlùacawa Canaán íinatalé
 Siùcáisede peebáida Wáiwacali Cristo Jesús
 Piwàlùacaténáwa áiba èeriwa paraíso irìculé

Historias del Antiguo Testamento en piapoco, Tomo 1 p.130-135
 San Juan 6.25-33, p.307 1 Corintios 10.1-5, p.532
 Los Hechos 7.39-43, p.386

60

Abéeri camapùacáiri
Ipidenéerité Balaam
Iwàwacaté imànica báawéeri
Israelitanái irí
Yùuwideca imànica nía
Níái israelitanáica
Iwàwa ibànùaca nàwali
Báawéeri chàwiculii

// Cachàiníiriquéi Dios
Camàliquéeyéi íicha
Wacuèriná Jehová
Yàacawéeridaca wía
Dios yàasu wenàiwicaca //

Balaam yèepunícátéwa
Ipìra burro íinatawa
Abéeri ángel Dios néeséeri
Iipunitáidaca Balaam
Uái burroca uicáca ángel
Iwàwéerica inúaca Balaam
Báawacáiná Dios iicáca
Camàliquéeri íiwitáise

Dios yùuwideca imànica Balaam
Yàalàaca cachàiníiri iyúni
Imàacaca burro itàanica
Camapùacáiri irí
Uái burro ùalàaca Balaam
Imànicáicha máiní báawéeri
Càmitaté Balaam idé
Ibànùaca chàwiculii

Yái manuírité yàcalé
 Jericó, Jericó, Jericó
 Jehova iyúudàaca israelitanái
 Néese iwáiná yúuwàacawa

Josuénái ipéliaca íipunita
 Ipidenácataléca Jericó
 Nàipìnáanica Jericó itéesebàa
 Néese iwáiná yúuwàacawa

Jehová ipéliaca nalípiná
 Imawèniadaca náicha Jericó
 Icàlùadaca náicha Jericó mìnanaí
 Néese iwáiná yúuwàacawa

¡Picácué cáalu pía! íimaca nalí Josué
 Peedácué pìasu ùlibànawa
 Wacuèriná Jehová ipéliaca walípiná
 Néese iwáiná yúuwàacawa

Siete yàawiría áiba èerité
 Nàipìnáanica itéesebàa
 ¡Pipùliacué trompeta! íimaca nalí Josué
 Néese iwáiná yúuwàacawa

Napùliaca nàasu trompetawa
Níái pìrái oveja ichàlemica
Josué ichùuliaca namáidaca CACHAINI
Néese iwáiná yúuwàacawa

Yái manuirité yàcalé
Jericó, Jericó, Jericó
Jehová iyúudàaca israelitanái
Néese iwáiná yúuwàacawaaaaaaaaa . . . ¡Tàul!



Historias del Antiguo Testamento en piapoco, Tomo 2, p.4-6

Siùca waléecué Antiguo Testamento
 Icàlidéerica walí Dios itàacái
 Càinácaalíté israelitanái imànica
 Jehová yàasu wenàiwica
 Cáininéeyéi Dios iicáca
 Jacob itaquénáinámi
 Dios iyúudàacaté úwisàiri Gedeón
 Imawèniadacaté macáita madianitanái

Dios icùaca nía nàuwidenái íichawa
 Neebáidacaalí cayába càide iyúwa iwàwáaná

Antiguo Testamento yéewáida wía nàwali
 Yái Barac, yái Jefté, Sansón nacái
 Sùmài Samuel yéemìacaté Jehová itàacái
 David nacái inúacaté
 Manuíri úwisàiri
 Báawéeri Goliat
 Néeseté profeta cayábéeri Daniel
 Ibàliaca cháwinái inùma Dios ichàini iyú

Historias del Antiguo Testamento en piapoco, Tomo 1, p.64-68
Historias del Antiguo Testamento en piapoco, Tomo 2, p.17-36 y 51-54
Historias del Antiguo Testamento en piapoco, Tomo 3, p.130-133
 Hebreos 11.32-33, p.728



63

Israelitanái
Imànicaté ibáyawanáwa
Nàaca cuwáinái icàaluíniná
Nacuèriná Jehová íichawa
Néese Elías isutáca
Dios íicha ipíchaná unía
Yúuwàacawa máisiba camuí piná

Cachàiníiri íiwitáise
Jehová yàasu profeta
Ipidenéericaté Elías
Abéeri asìali wanacáiri
Unía, quichái neebáidaca itàacái
Isutácáiná Dios íicha manuísíwata

Máisiba camuí y media
Canácaté uníaca
Dios imànicaté càide
Iyúwa Elías isutáaná
Ewita nasutácáaná íicha
Nàasu cuwáisàiri Baalwa
Càmítaté Baal idé iyúudàaca nía

Cachàiníiri íiwitáise
Jehová yàasu profeta
Ipidenéericaté Elías
Abéeri asìali wanacáiri
Unía, quichái neebáidaca itàacái
Isutácáiná Dios íicha manuísíwata

Baal yàasu iwicùlidéeyéi
Imáidaca cachàiníiri iyú irí
Canácata cuwáisàiri
Yéemianá nasutáaná
Néese Elías isutácaté
Dios ibànùanápíná quichái
Néese quichái yúuwàacawa chènuníise

Cachàiníiri íiwitáise
Jehová yàasu profeta
Ipidenéericaté Elías
Abéeri asìali wanacáiri
Unía, quichái neebáidaca itàacái
Isutácáiná Dios íicha munuísíwata

Israelitanái iicácaté
Quichái yúuwàanáwa
Néese nèepùaca nàaca
Dios icàaluíníná àniwa
Néese Elías isutáca
Dios íicha siete yàawiría
Yáté manuísíwéeri unía yúuwàacawa

Cachàiníiri íiwitáise
Jehová yàasu profeta
Ipidenéericaté Elías
Abéeri asìali wanacáiri
Unía, quichái neebáidaca itàacái
Isutácáiná Dios íicha manuísíwata

/// Jonás ichúuliacawa Dios íicha ///
Lancha irìculé

/// Wáiwacali piicá wapùalé ///
Píata Wacuèrináca

/// Cáuli ipùà wàwali cachàini ///
Manuíri úni yáacubàa

/// Pitenácué cachàiniiri iyú ///
Manuíri úni yáacubàa

/// Wéetápináwa Jonás ìwaliise ///
Manuíri úni yáaculé

/// Wáucacué úni yáaculéni ///
Manuíri úni yáaculé

/// Néese wiúca màladàca ///
Manuíri úni yáacubàa

/// Manuíri cubái iwetúaca Jonás ///
Manuíri úni yáaculé

/// Pisutá Jehová máisiba èeri ///
Manuíri úni yáaculé

/// Wáiwacali piicá wapùalé ///
Píata Wacuèrináca

65

Yái Daniel Jehová yàasu profeta bàaluité
Isutáca Dios íicha máisiba yàawiría
Eeri imanùbaca isutáca Wáaniri Dios íicha
Yùuwidenái icháawàaca iináwaná ìwali

Píacué nuénánáica
Weebáidacué mamáalàacata
Wacuèriná itàacáíwa
Iyúwa Danielnái ìyáanáté
Namànicaté càide iyúwa
Jehová iwàwáaná

Néeseté náucaca Daniel cháwi ibànalìculé
Nawàwacáiná cháwinái inúaca Daniel
Abéeri ángel Dios néeséeri yàacawéeridacani
Ibàliaca cháwinái inùma Dios ichàini iyú

Máisiba Daniel yàacawéeyéiná bàaluité
Ipidenéeyéi Sadrac, Mesac, Abed-nego
Càmitaté nàaca cuwáisàiri icàaluíniná
Nàuwidenái icháawàaca naináwaná ìwali

Néese nadacùaca níái máisiba ùuculìiyéica
Náucaca nía manuíri quichái irìculé
Quéwa Dios Iiri yàacawéeridaca néré nía
Càmita quichái yeemá nía ibatàa nabàlepiná

66

Abéechúa israelita Ester
Cayábéechúa iicácanáwa
Uebáidacaté Jehová itàacái
Iyúwa usèenáimi yéewáidáaná úa

Cáaliacáica macáita níai inanáica
Yeebáidéeyéica Jehová itàacái
Naléeca iyúwa ichùulianá nía
Namàníinápíná cayábéeri

Dios imàacaca rey Asuero
Yeedáca iríwa Ester
Ucháawàaca unìri yùuwidenáíwa
Umànicaténá irí cayábéeri

Abéeri israelitanái yùuwide
Yái ípidenéericaté Amán
Iwàwéeri inúaca Ester yéenánái
Ester isutáca Dios íicha máisiba èeri

Dios Jehová iyúudàaca Ester
Ucháawàacaténaté Amán
Umànicaté macáita cáaliacáiri iyú
Cayábacáiná uebáidaca Dios itàacái

// Dios yàasu profeta Joel
 Icàlidacaté Dios itàacái
 Imacaté Dios imáalàidáanápíná
 Macáita cháí èeri irìcuíríca //

Yái èeri icamaláná
 Naiquéeripíná máiníiri catá
 Quéeri nacáíwa quíirawaca
 Càide iyúwa waicáaná irái
 Dios yàasu èeri ipíchawáise
 Imáalàidacatáipíná macáita
 Dùlupùta nacaláacawa
 Cáli nacáíwa icusúacawa

// Dios ibànùaca Espíritu Santo
 Yàacawéeridacaténá siùca wía
 Yéewanápíná wacàlidaca itàacái
 Wáaniri inùmalìcuísewa //

// Capìraléeri cáli irìcuwa
 Naicáwa yái icalùadéerica nía
 Iinata nacái cáliqueí—irái
 Quichái, acalèe nacáiri ísaca //

// Siùcáisede péemà Wáaniri Dios
 Peebáida nacái Wacuèriná Jesús
 Picá pichàbáida péenáiwánáwa
 Mesúnamáita Wáiwacali yàanàaca //

Aibaalípiná Jesús yàanàaca àniwa
 Yási iricùapinácawa chènuníise
 Imáidacaténá macáita yéetéeyéimiwa
 Yeebáidéeyéicaté Wacuèriná itàacái

Quéwa níara wenàiwicanáimi
 Càmiíyéicaté yeebáida Jesús
 Cháta nayamáacawa
 Càliculii iriculé
 Càmita néemìa Dios itàacái
 Imáidacaalípiná wíawa
 Nachàbáidacaté néenáiwanáwa
 Canáca yéewanáwa
 Náipunitáidaca Cristo

Cámitaté nawàwa Cristo Nacuèrinápináwa
 Nadècuníacawa déeculé Dios Iiri íicha
 Caná iwèni naicáca Wáiwacali Jesús
 Báawaca nacái naicáca Cordero íiranámi

Cristo yéemíapíná nabáyawaná iináwaná
 Yúucacaténá nía quichái iriculé
 Pucháiba yàawiriéri yéetácáisica
 Nàuwichàaca yái quicháica càiripinátawa

Nuénásàiri peebáida Cristo itàacái
 Picá piwènúawa Wacuèriná íicha
 Jesucristo yéetacatéwa wáichawalíná
 Imàacacaténá Wáaniri Dios yéenibeca wía

1 Tesalonicenses 4.13-18, p.652
 Apocalipsis 20.4-6, p.825
 San Juan 1.12, p.288

1 Corintios 15.35-58, p.552
 Apocalipsis 20.11-15, p.826
 Romanos 3.21-26, p.468

69

// Ipíchawáise wamànica Conferencia
Wàacué wéewáidacaténá wenàiwicanái //

// Wáiwacali Jesús
Idéca imáidaca wía
Wacàlidáanápíná
Nalí itàacái //

// Wàacué wàalàaca nía Dios itàacái iyú
Nawènúadacaténá irí náiwitáisewa //

// Wéewáidacué nía iyúwa Dios íimáaná
Nàyacaténá matuíbanáiri iyú //

// Wáibaida ìwalínápiná cawèníirica
Wáiwacali yèeripíná walí chènuniré //

San Mateo 28.16, p.110
San Lucas 24.47-49, p.286
San Mateo 6.19-21, p.17

San Marcos 16.14-18, p.175
Los Hechos 1.4-8, p.365
San Mateo 25.14-30, p.93

Casíimáica waléeca Apocalipsis
 Ipíchawáise imáalàacawa yái èeriquéi
 Wacuèriná Cristo Jesús yàanàaca àniwa
 Icùapíná macáita èeri mìnánái

Juan itànàacaté Apocalipsis
 Idécaalíté yéemìaca Jesús itàacái
 Icàlidéerica ìwali yùuwichàacáisica
 Yàanèeripínácawa báawéeyéi ìwali

Manùbéeyéi wirìichu nacáiyéi
 Namusúapínáwa utàwi irìcuíse
 Nàuwichàidaca èeri mìnánái cáiwíiri iyú
 Càide iyúwa chálianái yúucáaná wía

Angel icasáapínáca yùuwichàacáisi
 Inanábàa yáaculé, dápu nacái
 Nachacamàapínáwa yáaséeri irái iyú
 Canáca yéewaná wenàiwica ìiraca nía

Cristo Jesús imànica ùuwi néenialípiná
 Náipunita Cuwèesi yàasu úwinái
 Imáalàidáanápíná nía abéericuíseta
 Icùapíná macáita èeri mìnánái

Apocalipsis 1.1-3, p.789
 Apocalipsis 9.1-11, p.805
 Apocalipsis 19.11-21, p.824

Apocalipsis 1.9-20, p.790
 Apocalipsis 16.3-4, p.816

// Abéeri ùuculìiri David
 Icuèricaté ovejanái
 Cayábéeri íiwitáise
 Yeebáidéeri Dios itàacái //

Abéeri David itaquérinámi
 Yácata Wáiwacali Cristo Jesús
 Israelitanái yàasu Mesías
 Dios ibànuèri icùacaténáté nía
 Càmitaté nawàwa Nacuèrinápináwa
 Nanúacani cruz iwali
 Aibaalípiná quéwa natàidaca Jesús
 Yàanàacaaliwa icùacaténá wía

// Aibaalíté cuwèesinái
 Iwàwa inúaca ovejanái
 Dios iyúudàacaté David
 Inúaca oso, cháwi nacái //

// Manuíri úwisàiri Goliat
 Icuísáidaca íichaawa Dios
 Dios yàacawéeridacaté David
 Inúacaténáté báawéeri Goliat //

// David imusúadacaté canción
 Ipidenéeyéicaté Salmos
 Néese Dios imáidacani
 Icùacaténáté israelitanái //

// Casíimái Dios iicáca rey David
 Ináté íimaca David irí:
 —Pitaquérinámi icùapiná
 Israelitanái càiripinátawa //

San Mateo 22.41-46, p.82
 San Lucas 20.41-44, p.268

San Marcos 12.35-37, p.158

72

120 wenàiwica isutácaté Dios íicha
Càita waléeca Hechos irícuíse
Néeseté Wáiwacali Cristo
Ibànùaca nali Espíritu

// Espíritu Santo
Ichàiniadaca nía
Icùaca náiwitáise
Wáiwacali irípiná //

Cristo idécaté yàalàaca nía
—Pitúyàacué Espíritu chènuníiséeri
Yái yèeripinácuéca pichàiniwa
Picàlidacaténá Dios itàacái

Macáita wía Dios yàasunáica
Cawinácaalí yeebáida Cristo itàacái
Yái Yàacawéeridéeri wía chènuníiséerica
Espíritu ìyaca wawàwalicu

// Espíritu Santo
Ichàiniadéeri wía
Icuèri wáiwitáise
Wáiwacali irípiná //

Wáiwacali Cristo idéca iwasàaca wía
Wáibaidáanápíná Wáaniri Dios iríwa
Wacáuca wàlisài yáapichawa
Espíritu Santo yéerica walì

Los Hechos 1.4-5, p.365
San Juan 14.25-27, p.342
Romanos 7.5-6, p.477

San Juan 14.15-18, p.341
Los Hechos 2.1-4, p.367

73

// Yàacawa néese Wáiwacali
Itécaténá wíawa
Wàacuéwa yáapicha
Yátacué itéeri wíawa //

/// Yáapicha /// wàacuéwa

/// Yáapicha /// wàacuéwa

// Wía cà míiyéi iyamáawa
Wía yèeyéiwa yáapicha //

Abéeri fariseo íipidenéerité Simón
 Imáidaca yàataléwa Jesús
 Máiní cachàinica Simón iicáca yáawawa
 Càmita cáininá iicáca Jesús

Abéechúa inanái cabáyawanéechúa
 Uwènúadaca úiwitáisewa Wáiwacali irípiná
 Imàacacaté iwàwawa ubáyawaná manuiri íicha
 Cáininácáiná uicácani

Simón càmita íiba Jesús yàabàli
 Iyúwaté náiwitáise iyáaná
 Uibaca Wáiwacali yàabàli utuíyáa iyúwa
 Máinícáiná achúmaca uwàwa

Simón càmita isùsùa Jesús inàni ìwali
 Iyúwaté natàidáaná nía
 Quéwa usùsùaca Wáiwacali yàabàli
 Uacaténá Jesús icàaluíniná

Simón càmita yùucùa mawèníiri séenási
 Wáiwacali íiwita ìwali
 Néeseté ùucùaca cawèníiri perfume
 Cristo yàabàli ìwali

Néese Wáiwacali íimaca Simón irí:
 —Umànica nulí cayábéeri
 Píata quéwa iyúunáidéeri mabáyawanáca
 Càmita cáininá piicáca núa



Ipíchawáise Cristo yàacawa néese àniwa
 Madécaná cachìwéeyéi nàanàaca aléi èeri irìculé
 Icàlidéeyéica ichìwawa báawéeri iyú
 Cristo idécasa yàanàaca aléi, picácué weebáida nía

¡Aquialé, Wáiwacali Jesucristo!
 Wacùà pìanàaca àniwájá

Madécaná cáli íinatawa namànica ùuwicái
 Quéwa Wáiwacali íimacaté: —Picácué cáalu pía
 Càita iwàwacutápiná namànica quéechacáwa
 Quéwa càmitàacá imáalàapináwa yái èeriquéi

Icusúapináwa yái cálica madécaná yàcalé
 Manùbéeyéi wenàiwica néetácawa máapicái iyú
 Naicápiná capìraléeri cáli irìcuwa
 Manuínaméeyéi wawàsi nacalùadéeripiná naicáca

Cachàinipiná isàna yái manuíri única
 Màladàca nacái ipiàpinácawa cachàiníiri iyú
 Achúma wenàiwica néetápinácawa nacalùniwa
 Nacùacaalícáwa Dios yàasu èeri yàanàaca

Néese néenialípiná capìraléeri cáli yàacùawa
 Cristo yàapinácawa néese cabalèeri caballo íinata
 Chènuníiséeyéi úwinái nàapinácawa yáapicha
 Namànicaténá ùuwicái báawéeyéi íipunita

Waléecué Apocalipsis siùca culto irìcu
 Icàlidéeri càinácaalí ichàbáanápínáwa
 Mawiénicáiná yái èerica, Dios yàasu èeri
 Yàanàapínáwa chènuníise yái Wáiwacalica

¡Aquiálé, Wáiwacali Jesucristo!
 /// Wacùà pìanàaca àniwájá ///



San Mateo 24.3-44, p.88
 San Lucas 21.7-37, p.269
 Apocalipsis 8.6-13, p.804

San Marcos 13.3-37, p.160
 Apocalipsis 6.1-17, p.800
 Apocalipsis 19.11-21, p.824

// Profeta Ezequiel icàlidacaté
 Dios itàacái
 Aibaalíté Ezequiel iicáca
 Yéenáiwánási nacáiri //
 // Iicácaté abéeri manacúali
 Ipuniéritéwa yáapisimi iyú //
 // Níara wenàiwica yáapimica
 Yèepuèyéipiná cáuca àniwa //

// Néese yáapisimi yàanàaca
 Iwéréwáacawa àniwa
 Nainá yàanàaca, náimami nacái
 Iwéréwáaca macáita //
 // Ezequiel itàaníca nalí
 Néese cáuca nía àniwa //
 // Néese namichàa nabàlùacawa
 Càide iyúwa úwinái manùbéeyéi //

// Náapimi íimáanáca càicanide
 Iyúwa israelitanái
 Dios ibànùaté nía áiba cáli néré
 Nabáyawaná ìwalíisewa //
 // Nacàlàlìacatéwa déeculé
 Quéwa Dios idéca ìwacáidaca nía //
 // Nàyaca nàasu cáli íinatawa
 Mawiénicáiná Wáiwacali Jesucristo //

// Iwàwacutá Dios yàasunái
Idèniaca Dios itàacái //

// Wéenánái piléecué Dios
Itàacái èeri imanùbaca //

// Yácata wàasu espada
Wáaniri Dios yèerica walí //

// Cristo itàacái iyú
Wamawèniadaca Satanás //

// Wíacué creyentenáica
Iyaca walí wacáapisài //

// Nuevo Testamento yéewáidaca
Wía Wáiwacali ìwali //

// Satanás ipiàcawa wáicha
Weebáidacaalí Dios itàacái //

// Picácué máiwitáise pía
Piléecué Wáiwacali itàacái //

Efesios 6.17, p.622
San Lucas 8.4-15, p.210
Santiago 4.7, p.745

Hebreos 4.12, p.703
2 Timoteo 2.9, p.679

// Fariseonái nasutáca néemìawa Jesús:

—¿Càicaalínápiná Dios icùa

Macáita wenàiwicanái? //

// —Càmitacué pidé piicáca

Càinácaalí Dios icùaná nía

Icùacáiná náiwitáise

—íimaca nalí yái Wáiwacalica //

// Néese Jesús icàlidacaté yéewáidacalénái iríwa:

—Máadáinícuéca piwàwa piicáca

Núa áiba èeriwa //

// Càide iyúwa énu icamaláná

Icànáaná chènuníise

Càita nacái nùanàacaalí àniwa

Núa, Dios néeséerica //

// Ipíchawáise Cristo yàacawa néese àniwa

Wenàiwica nàypiná iyúwa

Noé ìyaquewéeyéimi //

// Nayáacaté, néese nàira nacái

Needácaté náipináwa

Ata Noénái iwàlùacatalétawa

Arca irìculé //

// Matuìbanáicaté nàyaca Dios íicha

Níái Sodoma mìnanáica, nabànacaté

Nabànacalewa, nawénda nacái nàasuwa //

// Ata Lotnái namusúacatalétawa

Sodoma irìcuíse, néese

Quichái yúuwàacawa chènuníise

Sodoma mìnanáimi ìwali //

// Wáiwacali Jesús yàalàacaté wenàiwicanái:
—Picàwalicué iyúwa uyáanáté
Lot íinumica //

// Upìacatéwa Sodoma íicha
Uwènúa uicáidaca yàcalé irí
Uchàcamàacawa ìwidùma iyú
Yá yéenáiwanasica úa //



San Mateo 24.23-28, p.90
San Lucas 17.20-37, p.254

San Mateo 24.36-41, p.91

79

// Jehová, Wacuèriná Dios
Cayábéeri ïiwitáise //

// Wacántàacué Jehová irí
Wacuèriná Dios Cáuri //

// Idàbacaté yái èeriquéi
Cayábéeri ïiwitáise //

// Cà míiri Dios iimáicha wía
Cayábéeri ïiwitáise //

// Icuèri macáita chènuníise
Cayábéeri ïiwitáise //

// Ibànùacaté Wáiwacali Jesús
Cayábéeri ïiwitáise //

// Yàanàapinácué iwasàaca wía
Cayábéeri ïiwitáise //

// Canáca áiba Dios íicha
Cayábéeri ïiwitáise //

// Icànéeri mèlumèluíri iyú
Cayábéeri ïiwitáise //

// Cachànicué píiwitáise
 Píibaidacué mamáalàacata
 Wáiwacali irí cachàiníwanái //

Píaliacáinácuéwa
 Cawèníiricani
 Yái pimàníiricuéca
 Wáiwacali ichàini iyú

Cachànicué píiwitáise
 Píibaidacué mamáalàacata
 Wáiwacali irí cachàiníwanái

81

// Wíacué Dios yàasunáica
Wamànicué ùuwicái
Demonio íiwacanánái íipunita //

Uuwicái idénáami Wáaniri Dios
Yèeripiná walí yái wàasu coronaca
Uuwicái idénáami Wáaniri Dios
Yèeripiná walí cawèníiri

// Wéewáidacué wenàiwica
Wáiwacali itàacái iyúwa
Càicué wapéliaca Dios irípiná //

// Picácué cáalu wiacáca
Yái wàuwichàanápínácawa
Wáiwacali Jesucristo irípiná //

// Iwàwacutácué wàuwichàacawa
Jesucristo irípiná
Espíritu Santo ichàiniadacué wíawa //

// Wáasáidacué áibanái irí
Càinácaalíté Jesús
Yùuwichàanátéwa náichawalíná //

// Càmiiripiná yéewa áiba
Imáalàida wáicha yái
Wàasu cawèníiri chènuníiséerica //

Efesios 5.12, p.618
Apocalipsis 2.10, p.792
Colosenses 1.24, p.638

2 Corintios 6.7, p.569
1 San Pedro 4.14, p.759
1 San Pedro 1.4, p.758

**Wáiwacali Jesucristo yéewáidaca wía
wasutáanápíná wíawawa
Wáaniri Dios chènuníiséeri íichawa**

Pía, Wáaniri Dios chènuníiséeri,
pimàaca macái wenàiwica yàaca picàaluíniná.

Pimàaca péenáiwana yàanàaca caquialéta
yái èerica pidàbacatáipínáta picùaca macáita.
Pimàaca èeri mìnanaí namànica
càide iyúwa piwàwáana cháí èeri irícu
càide iyúwa neebáidáana pitàacái,
níara iyéeyéica chènuniré.

Pía wayáapíná wamáapuèrica siùcade.

Pimàaca piwàwawa wabáyawana íicha,
yái báawéerica wamàníirica
càide iyúwa wamàacáana wawàwawa nabáyawana íicha
cawínacaalí imàníiyéica walí báawéeri.

Picá pimàaca áibanái yáalimáidaca wía
ipíchaná wamànica wabáyawanaíwa,
néese piwasàa wía báawéeri Satanás íicha.

Píacáiná icuèripináca macáita,
pía cachàiníirica íiwitáise náicha canánama,
icànéerica mèlumèluíri iyú càiripináta.

Báisíta, amén.

San Mateo 6.9-13

Natéca nanúawani
 Wáiwacali Jesucristo
 Báawacáiná naicácaté
 Iiwitáise cayábéeri
 Dios imàacaca wabáyawaná
 Iyamáacawa Jesús ìwali
 Ináté Wáiwacali
 Yéetácawa wáichawalíná

—Elí, Elí, Elí, ¿lema sabactani?
 Jesucristo imáidacaté
 Yáaniri Dios iríwa
 —Nucuèriná Dios, Nucuèriná
 ¿Cáná pimàaca núa abéerita?
 Dioscáiná iwènúacatéwa
 Wabáyawaná íicha

Wáiwacali Jesucristo
 Yùuwichàacatéwa cruz ìwali
 Imànicaténáté iyúwa
 Yáaniri iwàwáaná
 Dios yùuwichàidacaté Iiriwa
 Wabáyawaná ìwalíise
 Ináté Wáiwacali
 Yéetácawa wáichawalíná

Dios yàacawéeridacaté Jesús
Iyacaalíté cháí èeri irìcu
Néese wabáyawaná
Iyamáacatéwa ìwali
Dios imàacacaté abéeritani
Iwènúacawa Iiri íichawa
Ináté Wáiwacali
Yéetácawa wáichawalíná

Idécaalí yùuwichàacawa
Wabáyawaná ìwaliise
Cristo imáidacaté
Yáaniri Dios iríwa
Ibànùaca icáucawa
Yáaniri Dios yàataléwa
Ináté Wáiwacali
Yéetácawa wáichawalíná

// Espíritu ìyaca wawàwalìcu
Wacántàa iyúwa David //

// Wacántàacué
Wacántàacué
Wacántàa iyúwa David //

// Wasutáca Dios íicha iyúwa David
Espíritu ichàini iyú //

// Espíritu iyúudàacaté David
Icántàaca Dios irí //

// Wacàlidacué Dios itàacái
Espíritu iyúudàaca wía //

// Wabàlùacuéwa wàulùì iyúwa
Wacántàa iyúwa David //

// Wamichàidacué wacáapiwa
Wacántàa iyúwa David //

// Wabàlùapínáwa Dios íipunita
Wacántàa chènuniré //

// Wabàbàidacué wacáapiwa
Wacántàa iyúwa David //

// Wáiwacali Cristo canéeri ibáyawaná
Imàacacaté icáucawa wáichawalíná //

// Cáinináca iicáca wía càiripináta
Dios Iiri yàasu ovejanáica wía //

// Wáimaca Cristo ìwali Cayábéeri Pastor
Icùacáiná canánama cáininéeri iyú //

// Iná wéemìaca Wacuèriná itàacáiwa
Cristo Jesús imáidaca wía wáipidená ìwali //

// Wáiwacali Cristo yàacawa wapíchalé
Wàacawa Cristo yáami wéemìacáina itàacái //

// Iwacáidapiná wía, yàasunái canánama
Itécaténá wía Dios ìyacàle irìculé //

// Dios icàlidaca
 Cáimiétacanéeri iyú
 Iwàlisàidapiná cháí èeriquéi //
 // Iwàlisàidapiná cháí èeriquéi
 Capìraléeri cáli nacái
 Yái wàyacàle chènuníiséerica //

Bàaluité natéca néenibewa
 Wáiwacali Jesucristo yàatalé
 Imàacacaténáté icáapiwa nàwali
 Isutáanápíná nalí Dios íicha

// Cáinináca Wáiwacali iicáca sùmanái
 Ewita níái quìrasìináica nacái
 Cristo iwàwaca neebáidaca itàacái
 Imàacacaténá Dios yéenibeca nía //

—Pimàacacué sùmanái yàacawa nùatalé
 Càica íimaca Wáiwacali Jesús
 Picácué pimáisanà neebáidaca nutàacái
 Níacata nùasu ovejanái púubéeyéi



San Mateo 18.1-6, p.63
 San Mateo 19.13-15, p.68

San Mateo 18.10-14, p.64

Bàaluité Dios idàbaca asìali
 Quéechatécáwa ìyaca abéerita
 Dios imànicaté irí úái ìinupináca
 Nàyacaténá náapichawáaca casíimáiri iyú

Imaté Dios imàacaca nacásàacawa
 Wàawirimi Adán yeedáca iríwa Eva
 Siùca asìali yàacawa isèenái ìichawa
 Iyacaténá úapicha úái ìinusíwaca

(asìali irí)


Siùcade picàlida ulí báisiiri iyú
 Piyapináca úapicha càiripinátawa
 Càmita quirínama picutá uícha abéechúa
 Siùca èeri picàlida ulí báisiiri iyú

(inanái irí)

Siùcade picàlida irí báisiiri iyú
 Piyapináca yáapicha càiripinátawa
 Càmita quirínama picutá áiba asìali
 Siùca èeri picàlida irí báisiiri iyú

Yàacawa ùatalé úái inanáica
 Icàlidaca ulí, nuwàwaca pía báisíta
 Dios iicáca nía iyúwa abéeri wenàiwica
 Nàyacaténá náapichawáaca casíimáiri iyú

Abéerita Cristo iwasèeri wía
 Dios yàasu yùuwichàacáisi íicha
 Canáca áiba Dios Iiri íicha
 Abéerita íiraná iyúwa iwèniaca wía



Los Hechos 4.12, p.375

1 San Pedro 1.18-19, p.751

Wacuèriná Cristo Jesús
 Isíimáidaca wawàwa
 Casíimáicaténá waicáyacacawa
 Wíái yeebáidéeyéica Dios itàacái

Wáiwitápuca Cristo Jesús
 Càica wíade iyúwa iiná
 Abédanamata wáiwitáise wáapichawáaca
 Imàacaca Dios yéenibeca wía

Wéenásàiri Cristo Jesús
 Icùaca wàanàaca chènuniré
 Bàaluité Cristo yéetácawa wáichawalíná
 Wàacaténáwa paraíso irìculé

Efesios 1.23, p.609
 1 San Juan 3.1-3, p.775
 San Juan 15.17, p.344

San Juan 15.11, p.344
 1 San Juan 3.11, p.776
 San Lucas 23.39-43, p.281

// Siùca wáipunitáidacuéca pía
 Casíimáiri iyú
 Píacué Wáaniri Dios
 Yàasu wenàiwicaca //

// Píacuéwa síisàara
 Piyúudàaca wía
 Wamànica Conferencia
 Irípiná Wacuèriná Jesús //

// Wacùacué pìanàaca wàatalé
 Casíimáiri iyú
 Píacué Wáaniri Dios
 Yàasu wenàiwicaca //

91

Dios icùacué pía èeri imanùbaca
Ata wàwacáidáyacacatalétawa àniwa
Yàacawéeridaca wía chái èeri irìcu
Dios icùacué pía èeri imanùbaca

Wáiwacali Jesucristo icùacué pía
Ata waicáyacacatalétawa àniawa
Imawèniadacué píicha Wàuwidesàiri
Dios icùacué pía èeri imanùbaca

Dios icùacué pía èeri imanùbaca
Càide iyúwa náaniri icùaná yéenibewa
Wáaniri itécué pía icáapi irìcuwa
Dios icùacué pía èeri imanùbaca

Cumpleaños casíimáiri
Wasutáca pirí Cristo Jesús
Iwàwacutáca cáimiétaca pía
Picá íinu pía quirínama

Siùca èeri nàalàaca pía
Piyacaténá machacànita
Yái Wáiwacali Jesucristoca
Imànipiná pirí cayábéeri

Píaniri idéca imáidaca wía
Ichàwidàaca manùba cubái
Siùcade pìwacùà wàasu
Casíimáicaténá wía píapicha

Pía Wacuèriná Jesús
 Píatanica cháí wáapicha
 Pimàaca wàyaca píapicha
 Piasu mesa idaní
 Siùcade wawàwalica pía
 Bàaluité piùwichàacawa
 Pía Wacuèriná Jesús
 Píatanica cháí wáapicha



San Lucas 22.14-15, p.273

Bàaluité Jesús yáawinacawa mesa iwéré
 Yéewáidacalénái yáapichawa, níái doce apóstolca
 Iwàwacaté iyáaca náapichani, yái yàacàsi Pascua
 Ipíchawáiseté Jesús yéetácawa cruz ìwali

Néese Jesús yeedáca pan icáapi iriculéwa
 Yàaca Dios irí cayábéeri, isubèriadaca pan
 Imacaté pan ìwali: —Yácata nuiná yái
 Piyáacué pan piwàwalicaténácué
 Nuétáanácuéwa píichawalíná

Néeseté idécanáami nayáaca yái Pascuaca
 Yeedáca uva ituní, néese íimaca nalí:
 —Yái uva ituníca, yácata nuíraná
 Imusuéripinácawa nuíchawa nuwasàacaténácué pía

Siùcade wawàwalica Cristo, yái Wacuèrináca
 Wamànica yái Santa Cenaca iyúwaté ichùulianá wía
 Wawàwalica Cristo íiraná iwènièricaté iyú wía
 Wayáaca pan isubèriadacaná, wawàwalica Cristo iiná

Cachàiníirica Jesucristo
 Macái demonionái íicha
 Iná cáaluca naicácani
 Icùacáiná wía
 Náibaidaca Náiwacali iríwa
 Iipidenéeri Satanás
 Yái ichùulièrica èeri mìnaná

Ata alénácaalí wèepunícawa
 Chái èeri irìcu
 Canácata yáaliméeripiná
 Yeedáca wía Cristo íicha
 Wamawèniadaca wàacawa
 Macái báawéeri íiwitáaná
 // Wáichawalínácáináté yéetácawa Jesús //

Wàawirináimi icàlidacaté
 Naináwaná ìwali, níái
 Uucuchu, alàpi, umàwali,
 Báawéeyéi wàwasimi
 Siùca wadèniaca
 Dios itàacái íiméerica
 Cachàiníirica náicha canánama Jesús

// Aquialécué wéenánái
Cristo imáidacuéca pía
Pimànicué cayábéeri ùuwicái //

// Cristo yàasu úwinái
Nacàlidaca itàacái
Nàuwichàacawa irípiná
Yái Wacuèrináca //

// Aiba èeriwa
Jesucristo yàanàaca àniwa
Yásí yàacué piriwa
Cawèníiri chènuníiséeri //

// Cayábéeri úwisàiri
Iideniàaca yùuwichàanáwa
Imànicaténá càide iyúwa
Iiwacali iwàwáaná //

1 Timoteo 6.12, p.673
1 San Pedro 5.8-11, p.761
Efesios 6.10-18. p.621

1 San Pedro 5.1-4, p.760
2 Timoteo 2.1-4, p.678

// Siùcade wamànica
Yái Conferencia
Wáiwacali Cristo Jesús irípiná //

// Yácata Wacuèriná
Cachàiniiri íiwitáise
Wawàwalica Wáiwacali
Cristo Jesús //

// Pía Dios pidàbacaté
Macái yàacàsi íiwitáaná //

Cayábéeriquéi wayáanáca
Macái yàacàsi íiwitáaná
Pitàacái masacàaca
Imànica nía wayáapiná

// Wàaca pirí cayábéeri
Wàaca pirí cayábéeri
Càmicáiná pimáisanà
Wáicha cayábéeri yàacàsi //

Cawènica Wáiwacali Cristo
 Iicáca sùmanái púubéeyéi
 Iná Wáiwacali íimaca walí:
 —Pimànicué nalí cayábéeri

Piwènúadacué píiwitáisewa
 Iyúwa sùmanái púubéeyéi
 Càmiíyéi cáimacái iicáca yáawawa
 Neebáca náaniri isànawa

Cristo yàalàaca wía
 Ipichaná waméeràidaca sùmanái
 Dios yùuwichàida wenàiwica
 Imàníirica nalí báawéeri

Wacuèriná Dios idéca imàacaca
 Nacántàaca irí cayába
 Nía sùmanái púubanaméeyéica
 Nía nacái quìrasìináica

Dios yàasu ángelnái
 Icuèyéica sùmanái púubanaméeyéi
 Natàaníca Dios yáapicha
 Yái Wáaniri chènuníiséerica

Jesucristo íimaca walí
 Wía macáita quéenibéeyéica:
 —Pidàwinàacué péenibewa
 Neebáidacaténá nutàacái

Efesios 6.4, p.620

San Mateo 21.12-17, p.74

San Mateo 18.1-7, p.63

Colosenses 3.21, p.644

San Mateo 19.13-15, p.68

San Mateo 18.10-14, p.64



Bàaluité abéeri asìali
 Ipidenéericaté Job
 Iyacaté machacàníiri iyú
 Wáaniri Dios iicá
 Casíimáica Dios iicáca
 Macáita Job imàníiricaté
 Cayábéeri Job íiwitáise
 Macáita wenàiwicanáí íicha

Job yùuwichàacatéwa
 Máini manuísíwata
 Càmitaté Job iwènúada
 Iiwitáisewa Dios íicha
 Iidenìacaté yùuwichàanáwa
 Mamáalàacata
 Néeseté Wacuèriná Dios
 Imànica irí cayábéeri

Néese Satanás íimacaté
 Job icuísáanápinása Dios
 Imàacacaalí báawéeri
 Yàanàaca Job ìwali
 Dios imàacacaté Satanás
 Ibànùaca yùuwichàacáisi
 Satanás yáalimáidaca iicáwa Job
 Máini cachàiníiri iyú

Néese macáita Job yéenibe
Néetácatéwa íicha canánama
Cayéedéeyéi iyéedùaca
Micáita Job yàasu
Càmitaté Job icuísa Dios
Càmita itàaní báawéeri iyú
Job imàacaca yáawawa
Dios icáapi irìculé

Job íimaca: —Asáicaalíté núa
Canácaté nulí cawèníiri
Nuétácaalípináwa yá
Canácata nudènièripiná
Dios imàacaca nulí níái nuénibe
Néese yèepùadaca nuícha nía
Cayába wàaca Dios irí
Tàacáisi cayábéeri

Piawa chènuniise Pía Emanuel
 Piwasàa níái piasunáíwa Israel
 Nabáyawaná idacùaca náiwitáise
 Càmiíyéi yáaliawa Mesíasca Pía

Casíimáicué wawàwa
 Mesúnamáita Emanuel
 Yàanàapínáca
 Iwasàacaténácué wía

Neebáidacaalí Jesucristo itàacái
 Yásí Dios yàasu wenàiwicaca nía àniwa
 Iicápiná napùalé manuísíwata
 Idàbáanéeyéicaté Dios yàasunáica nía

Yái iwasèeripínáca israelitanái
 Yàanàapíná Sión ìyacàlená néesewa
 Iwènúadapíná náiwitáise àniwa
 Iwasàapíná nía yùuwichàacáisi íicha

Wacuèriná Jesús, yácata Emanuel
 “Dioscata wáapicha” íipidená íimáanáca
 Imáidacaté yàasunáíwa Israel
 Aibaalípiná ìwacáida nía wáapicha

Piricùacatéwa chènuníise
 Pía Wáiwacali Jesús
 Bàaluité asáica Pía
 Belén irìcu
 Pimusúacaté piicá èeri
 Iyúwa wenàiwica
 Catúulécanéeri náicha canánama

Wawàwalica Pía Wáiwacali Jesucristo
 Siùcáisede pìyaca wawàwalìcu
 Wawàwalica Pía Wacuèriná ípidenéerica Jesús
 Pìyacáa càiripináta wawàwalìcu

Pimàacacaté pìyacàle cayábéeriwa
 Iyéerica chènuniré
 Pìacatéwa Píaniri
 Dios yàatanáisewa
 Néese piátúa imusúadaca Pía
 Pìrái yàalu irìculé
 Canácaté áiba piimácatáipiná

Wáaniri Dios ibànùacaté Pía
 Cristo aléi èeri irìculé
 Piwasàacaténá wía
 Eeri mìnanáica
 Ipíchaná Dios yàasu
 Yùuwichàacáisi yàanàaca wàwali
 Wíái yeebáidéeyéica pitàacái

103

Aquialécué Cristo yàatalé
Píacué èeri mìnanáica
Aquialécué pìà piicáca
Belén ìyacàlená irìculé
Aquialécué Cristo yàatalé
Yái ángelnái Icuèrinásàirica

Wàacué wacátàaca irí
Wabàlùacuéwa wàulùì iyúwa irí
Wàacué irí cayábéeri
Yái Wáiwacali Jesús

Aquialécué Cristo yàatalé
Píacué yeebáidéeyéica
Aquialecué pìacué
Wáiwacali Cristo icàaluíniná
Aquialécué Cristo yàatalé
Yái cachàiníiri náicha canánama

Asáicaté Wáiwacali Jesús bàaluité
 Imusúacaté iicá èeri Belén irìcu
 Abénaméeyéi asìanái máiníyéi cáaliacái
 Nàanàaca nacutáca Jesús

Naicácáiná dùlupùta ichanàacatéwa
 Cùnicùníichúa icànaca nawicáu
 Dùlupùta yàacatéwa napíchalé
 Nàanàacaténá Jesús

Dùlupùta icànacaté chènuniise
 Ináté náaliacawa asáica Jesús
 Nabàlùacawa irí néré nàulùì iyúwa
 Nàacaténá icàaluíniná

Cáaliacáiyéi icutácaté Jesús
 Déecúiséeyéi yàanàaca yàasu cáli néesewa
 Natécaté irí oro, incienso nacái, mirra
 Cawèniyéi pumèni isàni



San Mateo 2.1-12, p.3

Abéeri catá, catá cayábéeri
 Nàanàacaté Belén irìculé
 José, María nacutáca capìi
 Mawiénicáiná María yéenáiwana
 Umusúadáanápíná iicá èeri
 Wáiwacali, Dios Iiri, Jesús

Abéeri catá, catá cayábéeri
 Nàanàaca pìrái yàalu, José, María
 Asáicaté Wáiwacali Cristo Jesús
 María yéepùacani wáluma iyú
 Uliadacani pìrái iyáacàalu irìculé
 Wáiwacali, Dios Iiri, Jesús

Abéeri catá, catá cayábéeri
 Angelnái yàanàacaté chènuníise
 Nacàlidaca cayábéeri tàacáisi wàlisài
 Nalí abénaméeyéi icuèyéica ovejanái
 Nàacawa Belén néré naicácaténáni
 Wáiwacali, Dios Iiri, Jesús

Péemìacué ángelnái itàacái
 Nalicùacatéwa chènuniise
 Nacàlidacaté tàacáisi cayábéeri
 Isíimáidéeri wía manuísíwata
 Idécaté asáica Wáiwacali Cristo
 Yàanèerica Wáaniri Dios yàatanáise
 Angelnái icántàacaté
 Dios ìyacuéca píapicha yái Emanuel
 Wéemìacué tàacáisi chènuníiséeri
 Dios ibànùacaté walí Wacuèriná Jesús



Bamuchúami catá néemìacaté canción
 Mawiénita Belén ìyacàlená irí
 Nàyacaté táiyápinama manacúalibàa
 Nacùacaténá napìranái ovejawa
 Yáta Dios yàasu ángel iricùacawa
 Imàacaca yáawawa naicácani
 Icànacaté natéese Dios icamalánáca
 Tàacáisi yàanàaca chènuníise

Máiní cáaluca níái icuèyéica oveja
 Quéwa ángel icàlidaca nalí:
 —Idéca asáica Wáiwacali Cristo Jesús
 Cháde Belén ìyacálená irìcu
 Yácata yái iwasèeripinácuéca píawa
 Dios yàasu yùuwichàacáisi íicha
 Pìanèeripinácué néepuèri wáluma iyú
 Irìacawa pìrái iyáacàalu irìcu



Cristo imichàacatéwa yéetácáisi íicha
 Wacántàacué Jesús irí Aleluya
 Yùuwichàacatéwa wabáyawaná ìwalíise
 Wacántàacué Jesús irí Aleluya
 Imichàidaca wía nacáíwa áibaalípiná
 Wacántàacué Jesús irí Aleluya
 Itécaténá wía Yáaniri Dios yàataléwa
 Wacántàacué Jesús irí Aleluya

Cristo imusúacatéwa càliculìirìcuíse
 Wacántàacué Jesús irí Aleluya
 Mabáyawanácáténá Wáaniri Dios iicáca wía
 Wacántàacué Jesús irí Aleluya
 Yàapíná wacáuca càmiiri imáalàawa
 Wacántàacué Jesús irí Aleluya
 Wacuèriná Jesús imawènìada yéetácáisi
 Wacántàacué Jesús irí Aleluya

Wáiwacali yéetácatéwa abé yàawiríata
 Wacántàacué Jesús irí Aleluya
 Ichuìdacaténá wáicha wabáyawaná ichàini
 Wacántàacué Jesús irí Aleluya
 Cristo càmita quirínama yéetáwa àniwa
 Wacántàacué Jesús irí Aleluya
 Siùcade ìyaca Dios yáapicha càiripináta
 Wacántàacué Jesús irí Aleluya

Wíá yeebáidéeyéica càmita wéetapínáwa canánama
 Wacántàacué Jesús irí Aleluya
 Wéemìapíná trompeta isàna, Dios yàasu trompetaca
 Wacántàacué Jesús irí Aleluya
 Dios iwènúadapíná wíawa wàlisàicaténá wainá
 Wacántàacué Jesús irí Aleluya
 Imáalàidapíná yái wàuwideca yéetácáisica
 Wacántàacué Jesús irí Aleluya



San Mateo 28.1-10, p.109
 San Lucas 24.1-53, p.283
 Romanos 4.25, p.471
 1 Corintios 15.50-58, p.554

San Marcos 16.1-20, p.174
 San Juan 20.1-31, p.359
 Romanos 6.9-10, p.475
 1 Tesalonicenses 4.13-18, p.652

109

Nabàlìacaté Jesús
Idécanáami yéetácawa
Quéwa máisiba èeri irìcu
Cristo icáucàacatéwa

Aleluya, cáuca Wáiwacali
Aleluya, Amén
Aleluya, cáuca Wáiwacali
Càiripinéerita ìyaca

Cristo imichàacanáamiwa
Dios yàasu ángel iricùacawa
Yeedácaténá manuíri íba
Càliculìi inùma ícha

Néese inanái naicácaté
Máiséeri càliculìi irìculé
Angel íimaca: —Canáca chánii
Idécáiná icáucàacawa

Madécaná naicácaté Jesús
Pedro, Santiago naicácani
Quiniéntos ichàbaníiséeyéi
Yeebáidéeyéica Dioscani

110

Wáiwacali Jesús yéetácawa bàaluité
Itécaténá wía Dios yàatalé

Iná wacántàaca
Wáiwacali irí
¡Alelú, Aleluya!

Abé yàawiríata yéetácatéwa
Cristo yùuwichàacawa wáichawalíná

Itécaté ìwaliwa wabáyawaná
Yùuwichàacáisi yàanàaca ìwali

Idéca wàlisàica wáiwitáise
Cristo Jesús yéetáanáwa ìwaliise

Néeseté máisiba èeri irìcu
Imichàacawa yéetácáisi íicha

Wíái yeebáidéeyéica Cristo itàacái
Wàyapíná yáapicha chènuniré

Romanos 6.10, p.475
San Lucas 24.1-12, p.283
Romanos 4.25, p.471

1 San Pedro 2.24, p.755
San Mateo 28.1-10, p.109

Pía Dios Wáaniri chènuniré
Pía Dios Iiri Ichùnièri wía
Pía Dios Espíritu Santo
Wàaca pirí cayábéeri
Amén

San Lucas 24.50-51

Píacué ancianonáica, wawàwaca wayúudàacuéca
pía Dios itàacái ìwali, piwàwacaalícué nacái
pimànica càide iyúwa abénaméeyéi pastor
imàníinà iglesia irìcu. Cayábacué piléeca nalí níái
versículo San Judas 1.24 néese 25 néré, página
788. Piléecué nalí níái versículoca canáamicué
pimáalàidacaténá pimànica culto. Cayábacué nacái
pimichàidacuéca picáapiwa péenánái ipùaléwa
idècuni tàacáwa piléecué nalíni. Càitaté Wáiwacali
imànica yéewáidacalénái iríwa, imànicaalíté nalí
bendición.

San Judas 1.24-25

Yái abéerita Diosca, iwasèerica wía yàasu
yùuwichàacáisi íichawa, yáta yáalimácué icùaca
pía ipíchanácué pimànica pibáyawanáwa. Dios
yáalimácué nacái itéca píawa chènuniré
ibàlùadacaténácué pía íipunitawa
mabáyawanéeyéica, máinícuéca nacái casíimáica
piwàwawa, Dios ìyacàle chènuiiséri irìcu,
icànéerica mèlumèluwaca Dios icamaláná iyú.
Wàacué Dios irí cayábéeri ìwalíise yái cayábéerica
Wáiwacali Jesucristo imàníirica walípiná,
máinicáiná cachàiníirica Dios íiwitáise, máiní
cáimiétacanéri Wacuèriná nacáicani, icuèrica
nacái macáita, cachàiníirica náicha canánama,
bàalutésíwa èeri ipíchawáiseté, siùca nacáide,
càiripináta nacáwa, èeri càníiri imáalàawa.
Báisíta, amén.

Versículo wawàwaliripinà memoria iyú

**SAN MATEO 1.16,23; 2.9,11,23; 3.2,17; 4.1,16,19;
5.3,4,5,6,7,8,9,10,11,12,16,23-24,28,37,48; 6.3,6,15,20,33;
7.1,7,14,20,21; 8.13,17,22,27; 9.6,22,29;
10.12,15,19,20,22,28,30,33,39,42; 11.6,14,24,30;
12.8,12,20,32,36,40,50; 13.12,26,42,43,50,58;
14.4,16,31,33,36; 15.13,18,20,28,38; 16.6,25,26; 17.5,18;
18.4,5,7,10,11,14,22,35; 19.5,14,23,26,30; 20.16,27,28;
21.11,13,22,39,44; 22.14,22,30,40,45,46; 23.3,11,12,26,28,33;
24.6,11,14,27,31,35,36,42,44; 25.13,21,30,40,46;
26.13,29,32,42,53,64; 27.9,12,28,37,46,51; 28.6,15,18,20.**

**SAN MARCOS 1.8,15,17,27,34,42; 2.5,20,28; 3.10,14,29;
4.14,22,39; 5.19,28,34,41; 6.12,18,34,43,51;
7.7,8,15,19,20,28,37; 8.8,21,29,35,36,37; 9.7,23,31,35,41,48;
10.9,15,25,31,43,45,48; 11.9,16,22,26; 12.9,25,30,39,44;
13.13,23,26,31,32; 14.9,24,28,49,62; 15.23,38,39; 16.6,15,16.**

**SAN LUCAS 1.16,37,50,70; 2.14,23,49; 3.6,11,22; 4.2,21,32;
5.5,13,20,31,38; 6.18,20,21,22,23,31,36,40,46; 7.13,23,48,50;
8.15,17,21,39,48; 9.6,17,20,25,35,43,50,56,60; 10.5,20,27;
11.9,28,35,41; 12.2,5,8,12,15,23,31,32,40,44,51; 13.3,29;
14.11,33; 15.10; 16.11,22,23; 17.1,6,10,19,24,26,33;
18.1,7,16,17,25,27,33; 19.10,38,40,42,46; 20.4,18,25,36,47;
21.4,9,15,19,27,33,36; 22.22,27,32,40,53,61,69;
23.3,34,42,43,45; 24.7,26,46.**

**SAN JUAN 1.1,12,16,18,27,32,41,49; 2.5,17,22,25;
3.5,13,16,17,27,36; 4.10,24,39,48; 5.17,21;
6.13,21,33,37,46,63,68,69; 7.7,24,29,33,38,46;
8.11,32,36,47,51,58; 9.3,31; 10.11,28,29; 11.25,40,52;
12.8,15,23,32,41,50; 13.9,16,34; 14.6,12,16,27; 15.3,13,17,21;
16.3,15,24; 17.17; 18.11,34; 19.11,30,35,40; 20.7,18,21,28,29;
21.6,19.**

**LOS HECHOS 1.5,8,16; 2.4,24,38,46; 3.8,24; 4.12,32;
5.11,14,29,41; 6.6,8,15; 7.3,37,48,49,50,56; 8.4,37;
9.16,20,28,34,42; 10.15,33,34,35,43,47; 11.15,21,30;
12.5,11,23; 13.3,12,30,37,42,47,51; 14.7,9,22,23,27
15.8,19,29,40; 16.5,10,25,31; 17.4,11,24,25; 18.9,23,26;
19.5,18; 20.12,20,24,30; 21.13,19; 22.4,8,15,21,29; 23.8;
24.15,23; 25.2,18; 26.6,10,15,19; 27.9,22,44; 28.9,16,24,28.**

**ROMANOS 1.2,12,16,22,28; 2.6,11,16,21,26; 3.3,20,23,24,28,29;
4.8,22,25; 5.8,9,11,18; 6.5,7,12,18,23; 7.3,17;
8.1,8,12,14,16,18,27,29,31; 9.16,32; 10.9,10,17;
11.5,23,30,32,36; 12.1,11,15; 13.2,5,10,14; 14.7,9,12,13,16;
15.2,7,11,29,33; 16.20,27.**

**1 CORINTIOS 1.7,10,20,29; 2.3,15; 3.20; 4.7; 5.5;
6.2,14,17,19,20; 7.6,20,23,27,31; 8.2,8,12; 9.14,19,23,27;
10.6,9,12,17,24,26,32; 11.9,20,26,28; 12.7,11,27; 13.10;
14.32,40; 15.6,26,33,44,49,53; 16.2,9.**

**2 CORINTIOS 1.5,20; 2.2,7,11,17; 3.5,12; 4.5,16; 5.6,17;
6.10,15; 7.16; 8.2,12,20,21; 9.7,8,15; 10.18; 11.8,14;
12.10,12;**

GALATAS 1.4,12; 2.5,10; 3.6,7,11,14; 4.7,8,28; 5.4,16,25; 6.9,15;

**EFESIOS 1.6,10,23; 2.2,4,9,18,22; 3.12; 4.5,27;
5.10,16,17,21,27,33; 6.1,7,10,12,24.**

FILIPENSES 1.11,28,29; 2.4,11,13; 3.10,16,20; 4.4,6,13.

COLOSENSES 1.9,13,15,29; 2.3,6,9,22; 3.2,13,17,24; 4.2,6.

**1 TESALONICENSES 1.4; 2.12; 3.4,8; 4.7,12,17.
5.6,9,10,15,21,24,26**

2 TESALONICENSES 1.6; 2.1,6,8,11,16; 3.2,10,13,16.

1 TIMOTEO 1.5,8,17; 2.2,5,10; 3.3,9; 4.5,8; 5.7,20; 6.6,7,10,16.

2 TIMOTEO 1.12; 2.3,9,12,15; 3.1,5,12,17; 4.4,18.

TITO 1.7; 2.4,6; 3.6.

FILEMON 1.6,20,25.

**HEBREOS 1.4,14; 2.1,11,16,18; 3.3,12,14; 4.9,13,16; 5.8,9;
6.3,11,20; 7.15,20,25; 8.1,11,12; 9.3,12,27,28;
10.12,14,21,24,27,31,36,39; 11.3,6,14,40; 12.8,12,22,29;
13.6,8,16,22.**

**SANTIAGO 1.2,3,13,20; 2.1,9,15,20; 3.1,10,18; 4.3,7,10;
5.2,8,14,19.**

**1 SAN PEDRO 1.4,6,9,15,20; 2.3,10,13,15,17,19,25;
3.4,9,14,16,22; 4.2,5,7,16,19; 5.7,11.**

2 SAN PEDRO 1.11,20,21; 2.11; 3.11.

**1 SAN JUAN 1.3,8; 2.1,10,15,17,18,25,29; 3.2,3,9,13,16,23;
4.5,8,12,16,19; 5.1,7,11,13,14,18.**

2 SAN JUAN 1.5,10-11.

3 SAN JUAN 1.8,11.

SAN JUDAS 1.10,15,18.

**APOCALIPSIS 1.3,7,18; 2.4,11,16,25,26; 3.2,5,10,11,16,19;
4.11; 5.9; 6.10,13; 7.3,10,17; 8.4,11; 9.6,16,18; 10.7;
11.4,15; 12.11; 13.18; 14.5,12,16; 15.5; 16.4,16,20; 17.18;
18.5; 19.5,7,16; 20.7,15; 21.7,11,18,23; 22.4,7,20.**

10 Preguntas

Wamàníiripiná iyú estudio bíblico

1. Wáináidacaalíwa nàwali níái versículo siùquéeyéica tàacáwa wadéca waléeca, ¿càinásica Dios iwàwa wàyaca?
2. Picutácué nèewíise abéeri versículo piwàwéericué pialíacawa ìwali picàlidacaténácué memoria iyúni. Piwàwacaalí péewáidacawa ìwali picàlidacaténá versículo memoria iyú, néese pitànàa achúméeri dùlupùta versículo yàasu número idaní.
3. ¿Cawiná níái waléeyéica iináwaná ìwali cháí versículo irìcuíse?
4. Níái versículoca siùquéeyéica tàacáwa waléeca, ¿néewáidasica wía Wáiwacali ìwali? ¿Càinásica náima walí Wáiwacali ìwali?
5. ¿Aibatésica imàni cayábéeri wawàsi iwàwacutéeripináca wamànica?
6. ¿Aibatésica imàni báawéeri wawàsi camíiripináca cayába wamànica?
7. Cháí versículo irìcu siùquéeyéica tàacáwa wadéca waléeca, ¿càinásica Dios iwàwéeri wamànica?
8. Cháí versículo irìcu siùquéeyéica tàacáwa wadéca waléeca, ¿càinásica Dios imànipináca walí weebáidacaalí itàacái?
9. Cháí versículo irìcu siùquéeyéica tàacáwa waléeca, ¿Dios icàlidasica walí imàníinápíná walí cayábéeri? ¿Càinásica iwàwacutá wamànica yéewanápíná Dios imànica walí cayábéeri càide iyúwa icàlidáaná walí cháí versículo irìcu?
10. Cháí versículo irìcu siùquéeyéica tàacáwa waléeca, ¿íyasica abéeri cayábéeri tàacáisi wáaliméerica wasutáca wíawawa Dios íicha iyú?